


সুন্না পাইচয়



লেখক

পীরে তরীকত আলহাজ মোলানা
বসির আলহাসান চিশতী নিজামী

গ্রাম : ডুমুরপুর * পোস্ট : সাটিথান
জেলা : হুগলী

সুন্নীপারিচয়

প্রকাশক ::

মৌলানা বসির আলহাসান চিশতী

গ্রাম : ডুমুরপুর, পোষ্ট : সাটিখান, জেলা : হুগলী

প্রথম প্রকাশ ::

২২শে ফাল্গুন ১৪২৪সন

প্রাপ্তি স্থান ::

ডুমুরপুর চিশতীয়া দরবার শরীফ

হাদিয়া :: মাত্র (৩০) টাকা

মুদ্রণে : কৃষ্ণ প্রিন্টার্স (ভবানীপুর, হুগলী)

Mob : 9933456100/9800937324

উৎসর্গ

যাঁর চরণের ছোঁয়া পেয়ে

এই ভারত ভূমি ধন্য হয়েছে। যাঁর

প্রচেষ্টায় কোটি কোটি মানুষ সঠিক ইসলামের

সন্ধান পেয়েছে ও আল্লাহ ও রসুলের প্রেমিক হয়েছে

সেই হিন্দেল ওলী গরীব নওয়াজ খাজা মঈনুদ্দিন

চিশতী আজমেরী রহমাতুল্লাহ আলাইহের

পবিত্র নুরানী দরবার পাকে এই বইটি

উৎসর্গ করা হইল।

সুপ্রসন্ন

শ্রুটিপত্র

	পৃষ্ঠা
১। ঈমান-ই-মূল বিষয়।	৫
২। ঈমানের ৭ টি বিষয়।	৫
৩। নবীর ইলমে গায়েব।	৭
৪। নবীপাক হাজির নাজির।	১০
৫। নবীপাক হায়াতুল্লবী।	১২
৬। আল্লাহর নবী নূর।	১৪
৭। আউলিয়ায়ে কেরামরা জিন্দা।	১৫
৮। বাতিল ফিরকা থেকে বেঁচে থাকুন।	১৭
৯। কয়েকটি বাতিল দলের সংক্ষিপ্ত পরিচয়।	১৭
১০। জামাআতে ইসলামী হিন্দ বাতিল দল।	১৮
১১। তবলীগী জামাআত ইসলামের শত্রু।	১৮
১২। ওহাবীদের উৎপত্তি।	১৯
১৩। তবলীগী জামাত পাক্ক ওহাবী দল।	২১
১৪। আশরফ আলী খানবীর বর্ণনা।	২২
১৫। খানবী সাহেবের হিফজুল ঈমান।	২৩
১৬। দেওবন্দীদের আরও তিন বুজর্গ।	২৩
১৭। গাজেহী সাহেবের ঈমান ধ্বংসকারী ফতওয়া।	২৪
১৮। কাসেম নানুতবীকে চিনে নিন।	২৬
১৯। তবলীগ জামাতের ফাঁদে পা দেবেন না।	২৭
২০। পীরের প্রয়োজন।	৩০
২১। পীর হওয়ার শর্ত।	৩১
২২। পীরের আদব।	৩২
২৩। খাজা গরীব নওয়াজের সংক্ষিপ্ত পরিচয়।	৩৪

২৪। খাজাবাবার ছাত্র জীবন ।	পৃষ্ঠা ৩৫
২৫। খাজাবাবার দীক্ষাগ্রহণ ।	৩৬
২৬। খাজাবাবার মদিনায় গমন ।	৩৭
২৭। খাজাবাবার রওজা মুবারক ।	৩৮
২৮। খাজাবাবার বৈবাহিক জীবন ।	৩৯
২৯। খাজা গরীব নওয়াজের কিছু অমূল্য বাণী ।	৪০
৩০। পীরের কদম বুসী ।	৪২
৩১। ফাতেহার বিবরণ ।	৪৩
৩২। ফাতেহা করার পদ্ধতি ।	৪৪
৩৩। সালাম কিয়াম করার জন্য কয়েকটি ছন্দ ।	৪৫
৩৪। কয়েকটি মুনাজাত ও ওজিফা ।	৪৬

ভূমিকা

আল্লাহপাকের অপার মহিমায় ও করুণা ও হজরত রসূলে পাক সাল্লাল্লাহু আলাইহে অসাল্লামের নেকনজর ও হিন্দেল ওলী খাজা গরীব নওয়াজের নেক দোয়ার বরকতে আমি এই ক্ষুদ্র পুস্তকটি মুসলমানদের কে উপহার দিতে পারলাম। তাহি আল্লাহপাকের দরবারে অসংখ্য শুকরিয়া।

আমার সময়ের খুব অভাব থাকা সত্ত্বেও আহলে সুন্নত অল জামাতের খিদমতের উদ্দেশ্যে এই বইটি লিখেছি। আমি প্রতিটি বিষয়ের উপর সংক্ষিপ্ত আলোচনা রেখেছি। এবং বহু দলীল প্রমান থাকা সত্ত্বেও কয়েকটি দলীল পেশ করেছি মাত্র।

বইটিতে যে সব বিষয়ের উপর আলোচনা করা হয়েছে, এই সব বিষয়ের উপর ঈমান বা বিশ্বাস রাখলে সে খাঁটি সুন্নি মুসলমান হতে পারবে।

বইটির নাম করণ করেছি, “সুন্নী পরিচয়”। যাতে খাঁটি সুন্নী কারা মানুষ বুঝতে পারে। বর্তমান যুগে তবলীগ জামাত লা মজহাবী ও জামায়াতে ইসলামী হিন্দু এরা সকলেই সুন্নী হওয়ার দাবী করে। আসলে এরা যে সুন্নী নয় বরং চরম বাতিল ফিক্কা, এই বইটি ভালোভাবে পড়লে অবশ্যই তা বোঝা যাবে।

আল্লাহপাক তাঁর হাবিব পাকের সদকায় সকলকে হেদায়েত করুন।

বিনীত নিবেদক

মৌলানা বসির আলহাসান চিশতী

নিজামী

ঈমান-ই মূল বিষয়

সবার আগে ঈমান আকিদা ঠিক করতে হবে। কারন ঈমান না থাকলে আর আকিদা বা মতবাদ সঠিক ইসলাম অনুযায়ী না হলে সমস্ত আমল-ই বরবাদ হবে। নামাজ রোজা হজ্জাকাত তসবীহ জিকির আজকার কোন কিছুই আল্লাহ পাকের দরবারে কবুল হবে না। নবী পাক সাল্লাল্লাহু আলাইহে অসাল্লাম বলেছেন - আমার উম্মতের দাবীদাররা তিয়াত্তরটি দলে বিভক্ত হয়ে যাবে। তার মধ্যে একটি দল ছাড়া সকলেই জাহান্নামী হবে। তখন সাহাবা হুজুররা প্রশ্ন করেছিলেন যে হে আল্লাহ রসুল কোন দলটি জান্নাতী হবে? তখন দয়ার নবী বলেছিলেন - আমি এবং আমার সাহাবারা যে মতের উপর আছি। তার উপর যারা কায়েম থাকবে তারাই হবে জান্নাতীদল। একবার ভালো করে চিন্তা করে দেখুন, যে ৭২ টি দল গুমরাহ ও জাহান্নামী হবে তাদের মধ্যে কিম্ব হাফেজ কারী মাওলানা মুফতী হাজী নামাজী সবাই থাকবে। তবুও তারা জাহান্নামে যাবে কারণ কী? কারণ একটাই, নবী ওলী সম্পর্কে যে ধ্যান ধারণা সাহাবা হুজুরদের ছিল সেই ধ্যান ধারণা তাদের থাকবে না আর এই জন্যই আমল করে তারা জাহান্নামে যাবে। কোরআন পাকে আল্লাহ ঘোষণা করেন - “ তারা আমল ও করবে পরিশ্রম ও করবে, কিন্তু যাবে জাহান্নামের আগুনে। (সূরা আল গাসিয়া) পৃথিবীর বুকে যত ওলী আউলিয়া গওস কুতুব পীর ফকির দরবেশ সকলেই আহলে সুন্নত অলজামাআত তথা সুন্নী জামাআতের মানুষ। চার মজহাব হানাফী শাফেয়ী মালেকি হাম্বলী ও চার তরীকা চিশতীয়া কাদরীয়া নকশাবন্দিয়া মুজাদ্দিয়া সকলেই সুন্নী জামাআতের অনুযায়ী। চার মজহাবের অটল ফয়সালা যে সুন্নি জামাআত-ই হচ্ছে জান্নাতী দল। বাকী ৭২ টি দল জাহান্নামী। তাই খাঁটি সুন্নী না হওয়া পর্যন্ত কেউ নাজাত পাবে না। গুনাহের কাজ করলে গুনাহগার হবে কিন্তু ঈমান থেকে খারিজ হয়ে কেউ কাফের হবে না। তবে কোনো কবিরা গুনাহকে হালাল বা জায়েজ মনে করে করলে অবশ্যই সে কাফের হয়ে যাবে। এটাই ইসলামী অভিমত।

ঈমানের ৭ টি বিষয়

ঈমানে মুফাসসালের ভিতর ঈমানের সাতটি বিষয় বর্ণিত হয়েছে। (১) আল্লাহর প্রতি ঈমান আনা। (২) তাঁর ফেরেশতাদের প্রতি বিশ্বাস করা।

(৩) আল্লাহর কিতাব গুলোর প্রতি বিশ্বাস রাখা । (৪) তাঁর নবী রসুলদের প্রতি বিশ্বাস রাখা । (৫) পরকালের উপর বিশ্বাস রাখা । (৬) আল্লাহর তরফ হতে তকদীরের ভালোমন্দ যা নির্ধারিত আছে তার প্রতি বিশ্বাস রাখা । (৭) কিয়ামতের দিন কবর থেকে যে উঠতে হবে, এই কথা উপর বিশ্বাস রাখা । যদি এই ৭ টি বিষয়ের মধ্যে একটির প্রতি অবিশ্বাস থাকে সে মোমেন মুসলমান হতে পারবে না বরং সে কাফের থাকবে । “আল্লাহর প্রতি ঈমান আনলাম” বললেই আল্লাহ কে মানা হবে না । আল্লাহ সম্পর্কে কি আকিদা রাখতে হবে সেটাও জানা প্রয়োজন । আল্লাহর জাত ও সifat আছে জাত মানে স্বত্তা আর সifat মানে গুণাবলী । শুধু আল্লাহর যে সব গুণ আছে সে গুলোর প্রতি ও আস্থাশীল হতে হবে । যেমন আল্লাহপাক সর্বশক্তিমান । অনাদি অনন্ত তাঁর তদ্রা নাই নিদ্রা নাই তিনি এক অদ্বিতীয় ইত্যাদি । কোনো ব্যক্তি আল্লাহর অস্তিত্বের প্রতি বিশ্বাস করল কিন্তু সর্বশক্তিমান অনাদি অনন্ত বলে মানল না, তাহলে তার আল্লাহকে মানা হল না । ঠিক সেই রকম আমার রসুলের গুণাবলী আছে । আল্লাহপাক তার নবী ও রসুলদেরকে যে সব গুণের অধিকারী বানিয়েছেন সে গুলোর প্রতি ও বিশ্বাস রাখতে হবে তবেই রসুলকে মানা হবে । উদাহরণ স্বরূপ বলা যেতে পারে আল্লাহপাক তাঁর নবীকে সাধারণ মানুষ থেকে আলাদা করেছেন যার দ্বারা নবী সারা জগৎকে নবুয়তের নজরে দেখতে পান । নবী গায়েবের খবর বলতে পারেন । দূর ও নিকট নবীর জন্য সমান । আলো অন্ধকারে নবী সমান দেখেন । মানুষের কার্য কলাপ ও চিন্তা সম্পর্কে নবী অবগত যে গুলো হাদীস ও কোরআনের প্রচুর দলীল দ্বারা প্রমাণিত । কোনো ব্যক্তি বলল যে আমি মুহাম্মদ সাল্লাল্লাহু আলাইহে অসাল্লামকে আল্লাহর রসুল বলে মানি কিন্তু তিনি গায়েবের খবর জানেন এটা মানি না । তাহলে তার রসুলকে মানা হল না । সে বেঈমান কাফের রয়ে গেল । কেন না সে নবুয়তের গুণকে অস্বীকার করল ।

“কয়েকটি ইসলামী আকিদা বা সুন্নী মতবাদ”

(১) নবীর ইলমে গায়েব আছে ।

(২) নবীপাক সাল্লাল্লাহু আলাইহি অসাল্লাম হাজির নাজির ।

(৩) নবী পাক সাল্লাল্লাহু আলাইহি অসাল্লাম হায়াতুন নবী জিন্দা আছেন । অন্যান্য নবীরাও হায়াতে আছেন ।

(৪) আল্লাহর নবী নূর ।

(৫) আউলিয়ায়ে কেরামরা জেন্দা ।

নবীর ইলমে গায়েব

গায়েব কথাটির অর্থ হল অদৃশ্য বা আড়াল। অদৃশ্যের খবর জানা বা বলে দেওয়া কে ইলমে গায়েব বলে। ভবিষ্যতের খবর জানাকেও ইলমে গায়েব বলে কেন না ভবিষ্যতের সংবাদ আমাদের জন্য অদৃশ্য। আল্লাহপাক হচ্ছেন গায়েবের মালিক। আল্লাহপাক নিজ করুণায় তাঁর নবী রসুল ও ওলীগনকে গায়েব জানার ক্ষমতা দান করে থাকেন। কোরআন শরীফে আল্লাহ ঘোষণা করেন, “অ আল্লামাকা মা লাম তাকুন তালাম, অ কানা ফাদলুল্লাহি আলাইকা আজিমা, অর্থাৎ হে হাবিব তুমি যা কিছু জানতে না আমি তোমায় সব জানিয়ে দিয়েছি। তোমার প্রতি তোমার প্রতিপালকের বড়ই কৃপা। (৫ম পারা সূরা নেসা ১১ তনং আয়াত দ্রঃ) এই আয়াতের তফসীরে ইমাম জালালুদ্দিন সুয়ুতী আলাইহির রহমা বলেন অর্থাৎ তোমাকে দ্বীনের আহকাম ও গায়েব শিক্ষা দেওয়া হয়েছে। (তফসীরে জালালাইন দ্রঃ) কোরআন পাকে আল্লাহপাক অন্যত্র ঘোষণা করেন - অইয়া-কুনার রসুলু আলাইকুম শাহিদা অর্থাৎ এ রসুল তোমাদের রক্ষক ও সাক্ষী (২য় পারা সূরা বাকারা ১৪৩ নং আয়াত দ্রঃ) এই আয়াতের ব্যাখ্যায় হজরত আব্দুল আজিজ মুহাদ্দেস দেহলবী রহমাতুল্লাহ আলাইহে তফসীরে আজিজিতে লিখেছেন - “হজুর সাল্লাল্লাহু আলাইহে অসাল্লাম তাঁর নবুয়তের নুর দ্বারা প্রত্যেক ধর্মিকের ধর্মের অবস্থা সম্যক্বে অবগত। কোন্ মানুষ ধর্মের কোন পর্যায়ে পৌঁছেছে তার ঈমানের অবস্থা কি এবং কোন কোন জিনিষ তার উন্নতির বাধা হচ্ছে এগুলো সবই নবীপাক জানেন। সুতরাং গুনাহগারদের গুনাহ সম্পর্কে এবং তোমাদের সৎ কর্ম ও অসৎ কর্ম তোমাদের ধর্মের শুদ্ধতা তোমাদের মুনাফেকী সব-ই-নবী জানেন”। আল্লাহপাক আবার ঘোষণা করেন, “অমা হুয়া আলাল গায়বি বিদ্বানিন- অর্থাৎ তিনি (রসুল) গায়েবের সংবাদ বলতে কৃপনতা করেন না। (৩০ পারা সূরা আততাকবির ২৪ নং আয়াত)

তফসীরে খাজেন ও বুখারী শরীফ ও অন্যান্য হাদিসের কিতাবে রয়েছে - “একদিন রসুলেপাক সাল্লাল্লাহু আলাইহে অসাল্লাম মসজিদে নববীর মিম্বর শরীফে উঠে ঘোষণা করলেন যে, আল্লাহ পাক আমার উম্মতগনকে আমার সামনে পেশ করেছিলেন যেমন হজরত আদম আলাইহিস সালামের সামনে তাঁর বংশধরদেরকে পেশ করা হয়েছিল। অতএব কে আমার প্রতি ঈমান আনবে আর কে ঈমান আনবে না আমি সব-ই জেনে নিয়েছি। নবীর ঘোষণা যখন মুনাফিকরা শুনলো তখন তারা নিজেদের মধ্যে বলা কওয়া করতে লাগল - মুহাম্মদের দাবী শুনেছিস কেউনাকে মানবে আর কেউনাকে মানবে না

এটা নাকি উনি জেনে নিয়েছেন । এটা একেবারে মিথ্যা । এই খবর যখন নবীর ভক্তরা শুনল তখন তারা নবীর কাছে গিয়ে বলল - ইয়া রাসুলান্না আপনি যে দাবী করেছেন যে কিয়ামত পর্যন্ত আপনাকে কে মানবে আর কে আপনাকে মানবে না এটা আপনি জানেন । কিন্তু এই বিষয়ে মুনাফিকরা নিজেদের মধ্যে আপনার এই দাবীকে মিথ্যা বলে প্রচার করছে । তখন রসুলে পাক সাল্লাল্লাহু অলাইহে আসাল্লাম মসজিদে নববীর মিম্বর শরীফে উঠে দাঁড়িয়ে বললেন - কওমের এমন অবস্থা কেন হল যে তারা আমার ইলমে (জ্ঞানের) সমালোচনা করছে ! আমি আল্লাহর কসম করে বলছি এমন কোন বিষয় নাই যে সেই তোমরা প্রশ্ন করবে অথচ আমি তার উত্তর দেবো না । প্রশ্ন কর প্রশ্ন কর যার যা ইচ্ছে । তখন একজন মুনাফিক প্রশ্ন করল - হে আল্লাহ রাসুল মৃত্যুর পর আমার ঠিকানা কোথায় হবে ? উত্তরে নবী বললেন তোমার ঠিকানা হবে জাহান্নাম । এই কথা শুনে মুনাফিক চুপ হয়ে গেল । তখন আর একজন নবীর ভক্ত সাহাবী হজরত আব্দুল্লা ইবনে হুজাফা দয়াল নবীকে জিজ্ঞাসা করলেন হে আল্লাহর রসুল আমার পিতার নাম কি ? নবী বললেন তোমার পিতার নাম হুজাফা । আল্লাহর নবী মুনাফিকদের উপর এতই অসন্তুষ্ট হয়েছিলেন যে ক্রোধে নবীর মুখ মুবারক লাল হয়ে গিয়েছিল যেন বেদানার রস নিঙরে নবীর মুখ মুবারকে মাখিয়ে দেওয়া হয়েছে । ঠিক সেই সময় হজরত উমর ফারুক রাদিয়াল্লাহু আনহু করযোড়ে নিবেদন করলেন , ওগো আল্লাহর নবী আমরা আপনাকে নবী মেনে ইসলামকে দীন মেনে আল্লাহকে রব মেনে বড় সন্তুষ্ট আছি । আপনি ক্ষান্ত হউন ।।” এই হাদিস দ্বারা বোঝা গেল কিয়ামত পর্যন্ত সমস্ত বিষয় দয়ার নবী জানেন । আর এটাও বোঝা গেল নবীর জ্ঞানের সমালোচনা করা বা নবীর গায়েব জানার ক্ষমতা কে অস্বীকার করা কাফের মুনাফিকদের কাজ । জেনে রাখা প্রয়োজন যে ইলমে গায়েব দুই প্রকার (১) জাতি অর্থাৎ নিজস্ব (২) আতায়ী অর্থাৎ প্রদত্ত বা দান করা । জাতি ইলমে গায়েবের অধিকারী একমাত্র আল্লাহ্পাক অর্থাৎ আল্লাহর গায়েব জানা আল্লাহর নিজস্ব ক্ষমতা । এই ক্ষমতা আল্লাহকে কেউ দান করেনি । অতএব জাতি ইলমে গায়েব আল্লাহপাকের বিশেষ গুণ । আতায়ী ইলমে গায়েবের অর্থ হচ্ছে আল্লাহর দেওয়া শক্তিতে গায়েবের খবর জানা । সমস্ত সুন্নী মুসলমানের আকিদা হল- আল্লাহর দেওয়া শক্তিতে নবীগন ও আউলিয়ায়ে কেরামগন গায়েবের খবর জানেন । বলা বাহুল্য কোরআন পাকে এমন

কিছু আয়াত দেখা যায় যেখানে বলা আছে যে “আসমান জমীনের গায়েব একমাত্র আল্লাহ জানেন । বা হে রসূল তুমি বলে দাও যে আমি যদি গায়েব জানতাম তাহলে প্রচুর মঙ্গল জমা করে নিতাম ইত্যাদি । এই ধরনের আয়াত সম্পূর্ণ জাতি ইলমে গায়েবের ব্যাপারে বলা হয়েছে নতুবা আমি নবীর ইলমে গায়েবের ব্যাপারে যে আয়াতগুলো পেশ করেছি সে গুলোর অর্থ কি হবে ? জাজী ইলমে গায়েবের ব্যাপারে যে আয়াত । সেই আয়াতের দলীল দিয়ে নবীর ইলমে গায়েবকে অস্বিকার করা কোরআন পাকের ভুল ব্যাখ্যা করা ছাড়া কিছুই নয় । খুব সাবধান , জাজী আতায়ী হাকিকী ও মাজাজীর পার্থক্য বুঝতে হবে । মিশকাত শরীফ হাদিসে আছে - একদিন আম্মাজান আয়েশা সিদ্দিকা রাদিয়াল্লাহু আনহা আমার প্রিয় নবীকে জিজ্ঞাসা করলেন যে হে আল্লাহর রসূল আকাশের তারার সমান কে নেকি করেছেন বলুন । আল্লাহর নবী উত্তর দিলেন - হজরত উমর ফারুক আকাশের তারার সমান নেকি করেছে । (মিশকাতবাব মানাকিবে আবি বকর অউমর)

সুবহানাল্লাহ, সুবহানাল্লাহ কুরবান যাও নবীপাকের ইলমের উপর , আজ পর্যন্ত কোনো বৈজ্ঞানিক বলতে পারেননি যে আকাশে মোট কতগুলো তারকা আছে । মা আয়েশার উক্ত প্রশ্নের উত্তর সেই দিতে পারে যে আকাশে মোট কত তারকা আছে এই খবরটি যে জানে, আর কার আমল নামায় কত নেকি লেখা আছে এই খবরটি যে জানে । আর দুটি বিষয়ই গায়েবের ব্যাপার । নবীজিতো বলতে পারতেন - ওগো আয়েশা আকাশে কত তারা আছে আর কার আমল নামায় কত নেকি লেখা আছে এসবতো গায়েবের ব্যাপার আমি নবী কেমন করে বলবো । কিংবা নবী এটাওতো বলতে পারতেন - থামো থামো আয়েশা জিবরাইল ফেরেশতাকে আসতে দাও তার কাছে জেনে নিয়ে তোমাকে উত্তর দেবো । দয়ারনবী এই সব কথা না বলে সংগে সংগে উত্তর দিলেন যে হজরত উমর ফারুক এত নেকি করেছে । এর দ্বারা বোঝা গেল আসমানে নক্ষত্রের সংখ্যা নবী পাক জানেন । বিশ্বের প্রত্যেক মানুষের আমল নামায় কত নেকি লেখা আছে সব-ই আল্লাহর রসূল জানেন । সুবহানাল্লাহ । ভারতবর্ষের সর্বশ্রেষ্ঠ মুহাদ্দিস যাঁরদ্বারা ভারতে হাদিস শিক্ষার ভিত স্থাপন হয়েছে তিনি বিশ্ব বিখ্যাত কিতাব “মাদারেজুমবুয়ত”, দু হাজার পৃষ্ঠার বিশাল গ্রন্থ । এই গ্রন্থের ১২৩ পৃষ্ঠায় লিখেছেন নবীপাক সাল্লাল্লাহু আলাইহে অসাল্লামের ইলমে গায়েব আছে এবং

নবীপাক হাজির নাজির । আলা হজরত হুজুর ইমাম আহমাদ রেজা রহমাতুল্লাহ আলাইহি প্রিয় নবীকে লক্ষ করে বলেছেন “আউর কোঈ গায়েব তুম সে নেহা হো ভালা - যব না খোদাহি ছুপা তুম পে কারুরুঁ দরুদ । অর্থাৎ হে প্রিয় রসুল তুমি যখন স্বয়ং আল্লাহকে চোখে দেখে নিয়েছ আর কোন গায়েব তোমার চোখের আড়ালে থাকতে পারে । সুবহানাল্লাহ কত সুন্দর কথা । সত্যইতো সমস্ত গায়েবের মধ্যে শ্রেষ্ঠ গায়েব আল্লাহপাকের জাত মুবারক । সেই আল্লাহকেই যখন আমার নবী দেখে নিয়েছেন তখন আর কোন্ গায়েব নবীর চোখের আড়ালে থাকতে পারে । মিশকাত শরীফ হাদিসের বাবুল মাসাজিদ অধ্যায়ে লেখা আছে - রসুলপাক সাল্লাল্লাহু আলাইহি আসাল্লাম বলেন - “ আমি আল্লাহকে সুন্দর সুরতে দেখেছি । আল্লাহ তায়ালা তাঁর কুদরতি হাত আমার সিনার উপর রাখলেন আমি তার শীতলতা অনুভব করলাম ফলস্বরূপ আসমান জমিনের সমস্ত বিষয় আমি জেনে ফেললাম ॥

নবী পাক হাজির নাজির

আহলে সুন্নত অলজামা আতের আকিদা হল । হুজুর পাক সাল্লাল্লাহু আলাইহি অসাল্লাম হাজির নাজির । হাজির কথার অর্থ হল উপস্থিত । আর নাজির কথাটির অর্থ হল দ্রষ্টা বা দেখেনেওয়ালা । নবীর হাজির নাজির হওয়ার অর্থ হল - রসুলে পাক সাল্লাল্লাহু আলাইহে অসাল্লাম এক -ই জায়গায় উপস্থিত থেকে সারা দুনিয়াকে দেখেন এবং সারা দুনিয়া নবীর সামনে হাজির ।

নবীর হাজির নাজীরের সঠিক অর্থ ও মর্ম নাজেনে অনেক দেওবন্দী বেঈমান বলে থাকে -যে, নবী যদি সব জায়গায় হাজির থাকে তাহলে সিনেমা হলে লুটতরাজ তাস পাশা শারাব খানা গির্জা মন্দির ও গান বাজনার মজলিসে টিভিতে ,ভিডিওতে বেশ্যা খানায় কি নবী থাকে ? আসতাগ ফিরুল্লাহ, কত বড় শয়তানি কথা , বিশ্বের সমস্ত জায়গায় স্বশরীরে নবীকে উপস্থিত থাকতে হবে এমন কথা নয় । বরং সারা বিশ্বকে নবী হাতের তালুর মত দেখেন এবং সারা বিশ্ব নবীর আয়ত্বে । তবে নবী যদি দয়া করেন একই সময়ে কোটি কোটি জায়গায় নবী স্বশরীরে হাজির থাকতে পারেন । সারা জমীন আসমান নবীর দৃষ্টির মধ্যে রয়েছে । এটাই হাজির নাজীরের সঠিক মর্ম ।

হাদিস শরীফে আছে ” - হজরত সাওবান রাদিয়াল্লাহু আনহু বর্ণনা করেন যে রসূলে পাক সাল্লাল্লাহু আলাইহে অসাল্লাম বলেছেন আল্লাহপাক আমার জন্য পৃথিবীকে সংকীর্ণ করে দিয়েছেন আমি জমিনের পূর্ব প্রান্ত থেকে পশ্চিমপ্রান্ত পর্যন্ত সব দেখি । (মিশকাত বাব ফাজায়েলে সাইয়েদুল মুরসালিন) আল্লাহপাক কোরাণপাকে ঘোষণাকরেন । ইয়া আইউহান্নবী ইন্না আরসাল নাকা শাহেদাঁউ অমুবাশশেরাঁউ অ নাজিরা অ দাঈয়ান ইলাল্লাহি বে ইজনিহি অসিরাজাম মুনিরা ” আর্থ্যাং হে নবী আমি তোমাকে হাজির নাজির করে সুসংবাদ দাতা করে আল্লাহর হুকুমে আল্লাহর দিকে আহবানকারী রূপে উজ্জ্বল সূর্য বা প্রদীপ করে পাঠিয়েছি । “শাহিদ” কথাটির অর্থ হচ্ছে দুটি । হাজির এবং সাক্ষী । সাক্ষী অর্থ এই জন্য নেওয়া হয় , সাক্ষীদাতা জায়গায় হাজির থেকে দেখে সাক্ষী দেয় । তা না হলে তো সাক্ষী দেওয়াটা মিথ্যা বলে গন্য হবে । তফসীরে মাদারেকে উল্লেখ আছে - যে ব্যক্তি ঈমান আনল তার ঈমানের সাক্ষী নবী । যে কাফের হল তার কুফুরীর সাক্ষী নবী । আর যে মুনাফিক হল তার মুনাফেকির সাক্ষী ও নবী । (তফসিরে মাদারেব্য দ্রঃ)

হুজুর গওস পাক বড়পীর আব্দুল কাদের জিলানী রহমাতুল্লাহ আলাইহি বলেন - আমি আল্লাহর সৃষ্টি জগৎকে এই রকম দেখি যেমন আমার হাতের তালুতে সর্বের দানা কে দেখি । (কাসিদায়ে গওসিয়া দ্রঃ)

হিন্দেলওলী খাজা গরীব নওয়াজ আলাইহির রহমা বলেন - “ আমি আল্লাহর তামাম সৃষ্টি জগৎকে দুটি আঙুলের মধ্যে দেখতে পাই । পাঠকগন, বুঝে দেখুন হুজুর গওস পাক ও খাজা মঈনউদ্দিন চিশতী নবীর উন্মত্তের মধ্যে ওলী বান্দা । নবীর উন্মত্তের যদি এই ক্ষমতা হয় তাহলে নবীর ক্ষমতা কত একটু ভেবে দেখুন । গোটা কোরআন শরীফে আল্লাহপাকের জন্য হাজির নাজির শব্দ ব্যবহার করা হয়নি বরং আল্লাহর জন্য মুহিত শব্দ ব্যবহার করা হয়েছে । নবীর জন্য বহুস্থানে “শাহিদ” শব্দ ব্যবহার করা হয়েছে । এবার আসুন মোহিত ও হাজির নাজিরের পার্থক্যটা বুঝে নিন । হাজির অর্থ উপস্থিত । উপস্থিত হতে হলে শরীরের প্রয়োজন । আর আল্লাহপাক স্থান কাল পাত্রের উর্কে । আল্লাহপাক বিনা শরীরে বিনা স্থানে বিনা সময়ে সকল স্থানে সকল সময়ে মোহিত হয়ে আছেন । সারা বিশ্বকে বেষ্টন করে ঘিরে আছেন । যেমন বাতাস বিনা শরীরে বিনা স্থানে বিনা সময়ে সর্বস্থানে মওজুদ আছে । নবীপাক হাজির নাজির, যেমন আকাশে সূর্য

স্বশরীরে হাজির থেকে সারা বিশ্বকে আলো দিচ্ছে। সূর্যের কিরণ সারা বিশ্বে বিরাজ করছে হাজির আছে। নবী পাক মদিনা শরীফে স্বশরীরে হায়াতে আছেন। সেখানথেকে সারা বিশ্বকে দেখছেন। তাঁর নুর ও রুহানিয়াতের ফারেজ সারা বিশ্বে ছড়িয়ে আছে নুরে নবুয়ত দ্বারা সারা আসমান জমীনকে নবী দেখছেন। সূর্য যেমন আমাদের মাথার উপর হাজির আছে, নবীপাকও সেইরূপ হাজির আছেন। বিশ্ববিখ্যাত আলেম হজরত ওলীউল্লাহ মুহাদ্দেস দেহলবী আলাইহির রহমাত তাঁর “আকায়েদে ইসলাম” পুস্তকে লিখছেন “হুজুর হার জাগা তশরীফে ফরমা হ্যায়, হুজুর সব জায়গায় হাজির আছেন। (আকায়েদে ইসলাম ১৪২ পৃষ্ঠা)

অতএব বোঝাগেল নবীকে হাজির নাজির জানা ঈমানদারদের আকিদা। আর অস্বীকার করা বেঈমানদের আকিদা।

নবী পাক হায়াতুলনবী

নবীপাক সাল্লাল্লাহু আলাইহি অসাল্লাম হায়াতুলনবী জিন্দা নবী এতে আহলে সুন্নত অল জামাতের কোনো মতভেদ নেই। চারমজহাব এই ব্যাপারে একমত। যে ব্যক্তি নবীকে জেন্দা মানেনা বরং মূর্দা বলে বেড়ায় সেই ব্যক্তি মুসলমান নয়। বরং কাকের। কোরআন পাকে আল্লাহ ঘোষণা করেন - “যারা আল্লাহর রাস্তায় জীবন দিয়েছে তাদের মৃত বা মূর্দা বলো না বরং তারা জীবিত রয়েছে কিন্তু তোমরা সেটা বুঝতে পারছ না।” (সূরা বাকারা ১৫৪ নং আয়াত) অপর আয়াতে আল্লাহপাক ঘোষণা করেন - “যারা আল্লাহর রাস্তায় জীবন দিয়েছে তাদের মূর্দা বলে ধারণাও কোরো না, বরং তারা জীবিত রয়েছে তাদেরকে রেজেক দেওয়া হয়” (সূরা অল ইমরান ১৬৯ নং আয়াত)

পাঠকগণ, ভালো করে বুঝে দেখুন, যারা আল্লাহর রাস্তায় শহীদ হয়ে যান তাদের মূর্দা বলতে আল্লাহপাক নিষেধ করেছেন। বরং আল্লাহপাক বলেছেন আমি তাঁদেরকে রেজেক দিয়ে থাকি। শহিদগন জিন্দা রয়েছেন, এটা কোরআনের ফায়সালা। আর এটা সমস্ত মুসলমানের আকিদা যে নবী রসুলগন শহীদদের চাইতে উচ্চমর্যাদা সম্পন্ন। প্রিয় নবী করিম সাল্লাল্লাহু আলাইহে অসাল্লামের যেসব সাহাবীরা ইসলামের জন্য যুদ্ধ করতে গিয়ে শহীদ হয়েছেন, তাঁদের সম্পর্কে উক্ত আয়াত গুলো নাজিল হয়েছে। নবীর সাহাবারা নবীর

উন্মত ও ভক্ত । তাঁরা যদি জিন্দা হন, নবী রসুলগন কেমন জিন্দা চিন্তা করে দেখুন । শহীদরা শহীদ হওয়ার পর তাঁদের স্ত্রীগন দ্বিতীয় বিবাহ করতে পারেন । কিন্তু নবী রসুলগন ইস্তিকালের পরে এমন জীবিত থাকেন তাদের স্ত্রীগন দ্বিতীয় বিবাহ করতে পারবেন না । মিশকাত শরীফ হাদিস ও তিরমিজি শরীফে রসূলে পাক ঘোষণা করেন - “ নিশ্চই আল্লাহপাক মাটির জন্য হারাম করে দিয়েছেন - মাটি কোনোদিন নবীদের শরীরকে খেয়ে নষ্ট করতে পারবে না । নবীরা জিন্দা তাঁদেরকে রিজিক দেওয়া হয় ’ (মিশকাত ১২৮ পৃষ্ঠা)

হজরত আনাস রাদিয়াল্লাহু আনহু বর্ণনা করেন যে রসূলে পাক সাল্লাল্লাহু আলাইহে আসাল্লাম বলেছেন - নবীগন জীবিত তাঁরা নিজ নিজ কবর শরীফে নামাজ আদায় করে থাকেন ” । (বায়হাকি শরীফ দ্রঃ)

আল্লামা ইমাম জুরকানীর রহমাতুল্লাহ আলাইহে হাদিস লিখেছেন শহীদগন ও নবী পয়গম্বরগন নিজ নিজ কবর শরীফে খাওয়া দাওয়া করেন নামাজ পড়েন রোজা রাখেন এবং হজও করেন । (জুরকানী ৫ম খন্ড ৩৩৪ পৃষ্ঠা)

মুসলীম শরীফ হাদিসে আছে, আল্লাহর রসুল বলেন আমি যখন বোররাকে চড়ে মিরাজে যাচ্ছিলাম , হজরত মুসা আলাইহিস সালামের মাজারের পাশ দিয়ে যাচ্ছিলাম তো দেখলাম হজরত মুসা নবী তাঁর কবর শরীফে নামাজ আদায় করছেন ” । হাদিস শরীফে আছে রসূলে পাকের ওফাতের পর হজরত আবু-বকর সিদ্দিকি রাদিয়াল্লাহু আনহু খলিফা হন । হজরত আবু বকর সিদ্দিকি রাদিয়াল্লাহু আনহু ইস্তিকালের পূর্বে সাহাবাদের কাছে ওসিয়ত করেছিলেন যে আমার ইস্তিকালের পর আমার লাশটি রসূলে পাকের রওজা মুবারকের কাছে নিয়ে গিয়েনবীর নিকট অনুমতি চাইবে যাতে নবীর পাশে আমার কবর হয় । হজরত আবুবকর সিদ্দিকের ইস্তিকালের পর নবীর সাহাবারা তার লাশ মুবারকটি নবী পাকের রওজার কাছে নিয়ে যান শেরে খোদা মওলা আলী করমাল্লাহু অজহালু নবী পাকের রওজার কাছে গিয়ে অনুরোধ করে বলেন যে, হে আল্লাহর রসুল । আপনার চিরসংগী হজরত আবুবকর সিদ্দিকের মনের ইচ্ছা যেন উনার কবরটা আপনার রওজা শরীফের পাশে হয় । যখনই- হজরত আলী এই কথা বলেছেন তখনই দয়ার নবী রওজাশরীফের ভিতর থেকে আওয়াজ দিয়ে বলেছিলেন , “ ঐ বন্ধুকে ঐ বন্ধুর কাছে পৌছে দাও কেননা আমি ঐ বন্ধুর জন্য অপেক্ষায় আছি ” । নবীর রওজা মোবারকের দরজা আপনা আপনি

খুলে গেল । সাহাবারা হজরত আবুবকর সিদ্দিককে নবীর পাশে দাফন করে দিলেন । তাজকেরাতুল আউলিয়া 'কিতাবে লেখা আছে - হজরত ইমামে আজম আবু হানিফা রহমাতুল্লাহ আলাইহে নবী পাক সাল্লাল্লাহু আলাইহে অসাল্লামের রওজা পাকের নিকট গিয়ে সালাম দিয়েছিলেন - আসসালাতু অসসালামু আলাইকা ইয়া ইমামাল মুরসালিন । তখন হজরত রসূলে পাক রওজার ভিতর থেকে উত্তর দিয়েছিলেন - অআলাই - কুসুম সালাম ইয়া ইমামাল মুসলেমিন । সুবহানাল্লাহ , হিন্দেল ওলী খাজা গরীব নওয়াজ বাবা মঈনুদ্দিন চিশতি রহমাতুল্লাহ আলাইহে নবীর মাজার শরীফে গিয়ে সালাম পেশ করেছিলেন , নবীপাক সেই সালামের জবাব দিয়েছিলেন ।

আল্লাহ নবী নূর

সমস্ত ঈমানদার মুসলমানের আকিদা হল রসূলে পাক সাল্লাল্লাহু আলাইহে অসাল্লাম হচ্ছেন নূর । এতে ঈমানদার মধ্যে কোনো দ্বিমত নেই । কিছু নবী বিরোধী মানুষ ওহাবী দল ভুক্ত তারা নবীকে নূর মানে না । কোরআন পাকে আল্লাহ বলেন ” ক্বাদ জাআকুম মিনাল্লাহি নুরুউ অ কিতাবুম মুবিন । অর্থাৎ নিশ্চই আল্লাহর তরফ হতে তোমাদের নিকট একটা নূর ও প্রকাশ্য কিতাব এসেছে । (সূরা মায়েদাহ ১৫ নং আয়াত দ্রঃ)

তফসীরে জালালাইনশরীফে বলা হয়েছে এখানে নূর বলতে মুহাম্মাদ সাল্লাল্লাহু আলাইহে অসাল্লামকে এবং কিতাব বলতে কোরআন শরীফের কথা বলা হয়েছে । সহী হাদিসে আছে - রসূলে পাক সাল্লাল্লাহু আলাইহে অসাল্লাম বলেন - “ সর্বপ্রথম আল্লাহ পাক আমার নূরকে তৈরী করেছেন ” অপর হাদিসে আছে - হজরত জাবের রাদিয়াল্লাহু আনহুকে লক্ষ করে দয়ার নবী বলেন - “ হে জাবের আল্লাহ পাক সর্বপ্রথম তোমার নবীর নূরকে তৈরী করেছেন । ” এই দুটি সহী হাদিস বিশ্ব বিখ্যাত তফসীরের কিতাবে যেমন তফসীরে রাহুল মাআনী তফসীরে খাজাইনুল ইরফান মুহাক্কিক আব্দুল হক মুহাদ্দেস দেহলবীর কিতাবে আরও বহু কিতাবে উক্ত সহী হাদিস দুটি বিদ্যমান । কিন্তু কিছু কিছু ওহাবী মৌলবী উক্ত হাদিস দুটিকে জইফ আবার কেউ কেউ জাল হাদিস বলতে শুরু করেছেন । সাবধান ওহাবীদের কথায় কান দিবেন না । তারা নবীকে নূর মানে না । আমাদের মত মানুষ বলে । যেটা বললে ঈমান চলে যাবে । আমরা সুন্নী মুসলমান

আমরা নবীকে নুরী বাশার অর্থাৎ নুরের মানুষ মানি । নুরের ছায়া হয়না এজন্য
রসুলে পাকের ছায়া ছিল না ।

মাদারেকুত তানজিল কিতাব আল্লামা নাসাফি হানাফী বলেন - নিঃসন্দেহে
আল্লাহতায়ালা নবীপাকের ছায়া জমিনে পড়তে দিতেন না । যাতে কারও পা
নবীর ছায়ার ওপর না পড়ে । এই হাদিসটি হজরত উসমান গণি রাদিয়াল্লাহু আনহু
বর্ণনা করেছেন । (মাওয়াহিবুল্লেদুনিয়া শরীফ ৩০ পৃঃ)

ইবনে মুবারক ও ইবনে জাওজি ইবনে আব্বাস রাদিয়াল্লাহু আনহু হতে হাদিস
বর্ণনা করেন যে - নবী পাক সাল্লাল্লাহু আলাইহে আসাল্লামের ছায়া ছিল না ।
যখন- ই নবী পাক রৌদ্রের মধ্যে দাঁড়াতেন সূর্যের জ্যোতির চাইতে নবীর নুরের
চমক বেশী হয়ে যেত । (জুরকানি শরীফ ৪র্থ খন্ড ২২০ পৃষ্ঠা)

হজরত কাজী আইয়াজ রহমাতুল্লাহ আলাইহে শিফা শরীফে লিখেছেন “ চন্দ্র সূর্য
নবী পাকের ছায়া ফেলতে পারত না কেননা নবী পাক ছিলেন নুর ” (শিফা শরীফ
১ম খন্ড ২৪৩ পৃঃ)

হজরত শিহাবুদ্দিন খাফাজি রহমাতুল্লাহ আলাইহে “ নাসিমুর রিয়াজ ” কিতাবে
লিখেছেন যে “ নবীপাক সাল্লাল্লাহু আলাইহে অসাল্লাম সূক্ষ দেহের অধিকারী
ছিলেন । সেই দেহ মুবারকের ছায়া ছিল না । (নাসিমুর রিয়াজ ৩য় খন্ড ৩১৯ পৃঃ)
মুহাক্কিক আব্দুল হক মুহাদ্দেস দেহলবী রহমাতুল্লাহ আলাইহে বলেন - ‘ নবী
পাকের নাম হচ্ছে নুর তিনি ছিলেন নুর আর নুরের ছায়া হয় না ।
(মাদারেজুন্নবুয়ত ১ম খন্ড ২১ পৃঃ)

হজরত আব্দুল আজিজ মুহাদ্দেস দেহলবী রহমাতুল্লাহ আলাইহে তফসীরে
আজিজির মধ্যে লিখেছেন - নবী পাকের ছায়া জমিনের বুকে পড়ত না ।
(তফসীরে আজিজ ৩০ পারা ২১৯ পৃঃ)

উক্ত দলীল গুলোর দ্বারা জানা গেলো যে হজুর পাক নুর । আর নুরের ছায়া হয় না

।

আউলিয়ায়ে কেরামরা জেদ্দা

আগেই কোরআন শরীফের আয়াতদ্বারা প্রমাণ করা হয়েছে যে শহীদরা জেদ্দা
এবং তাঁরা আল্লাহপাকের কাছ হতে রুজি প্রাপ্ত হন । আল্লামার ওলীরা শহীদের
মধ্যে গন্য । কেননা নবী পাক হাদিস ঘোষণা করেছেন । - য়াঁরা নফসের সাথে
জেহাদ করে জয়লাভ করেছেন তাঁরা হচ্ছেন বড় শহীদ । বলা বাহুল্য নফসের

সাথে জেহাদ করে জয় লাভ না করা পর্যন্ত কেউ বেলায়েত প্রাপ্ত হতে পারে না বা ওলী হতে পারে না । ওলীদের যে মৃত্যু নহি এ সম্পর্কে স্বয়ং রসুলে পাক হাদিসপাকে ঘোষণা করেছেন তফসীরে কবিরের মধ্যে লেখা আছে । “ আল্লাহর ওলীগন মরেন না বরং তারা একজায়গা থেকে অন্য জায়গায় চলে যান” । (তফসীরে কবির ৩য় খন্ড ২৪১ পৃঃ)

তাবারানি শরীফ হাদিসে লেখা আছে - যে হজরত নুমান ইবনে বসির বর্ণনা করেন যে হজরত জায়েদ ইবনে খারেজা আনসারী রাদিয়াল্লাহু আনহুর যখন ইস্তেকাল হয়ে গেল । উনাকে গোসলদেওয়ার পর কাফন পড়ানো হল । তখন উনি কাফনের ভিতর থেকে একটা আওয়াজ দিলেন । সংগে সংগে কাপড় সরানো হল তখন উনি বলেছিলেন - মুহাম্মদ আল্লাহর রসুল এবং শেষ নবী উনার পর কেউ নবী হবে না । তারপর বললেন আসসালামুআলাইকা ইয়া রাসুলাল্লাহ অ রহমাতুল্লাহি অ বারাকাতুহু ” তারপর প্রথম যেমন ছিলেন তেমন হয়ে গেলেন, অর্থাৎ মূর্দা মতন হয়ে গেলেন (তাবারানি জামালুল আউলিয়া ৩৯ পৃঃ)

খাজা গরীব নওয়াজ যখন ইস্তেকাল করেন । তখন হজুরা শরীফে ঢুকে দেখা গেল খাজাগরীব নওয়াজের কপালে নুরানী অক্ষরে লেখা হয়ে আছে, হাজা - হাবিবুল্লাহ মাতা ফি হাবিবুল্লাহ । অর্থাৎ ইনি আল্লাহর বন্ধু ছিলেন । আল্লাহর প্রেমেতেই ইস্তিকাল করেছেন ।

গওস পাকের সাওনে উমরিতে লেখা আছে, যে হজুর গওসুল আজম বড়পীর আব্দুল কাদের জীলানী রহমাতুল্লাহু আলাইহে একদিন ইমাম আহমাদ ইবনে হাম্বাল রহমাতুল্লাহু আলাইহের মাজার শরীফের জিয়ারত করছিলেন । ঠিক তখন-ই ইমাম আহমদ ইবনে হাম্বাল মাজার শরীফ থেকে উঠে পড়েন এবং বড় পীরের সাথে মুসাফা করে বড়পীরের কপালে চুম্বন দেন এবং কথাবার্তা বলে আবার গায়েব হয়ে যান ।

“ শরহুম সুদুর ” কিতাবে লেখা আছে, একজন মহিলা বড় আল্লাহর ওলী ছিলেন । যখন তার ইস্তেকালের জানাজার নামাজ পড়া হল । সেই যুগের এক কাফন চোর সেও জানাজার নামাজে শরীক হল । তার উদ্দেশ্য ছিল কবরটিকে চিনে রাখা । যাতে রাতে এসে কফন চুরি করার সুবিধা হয় । তারপর যখন রাতের বেলায় কাফন চোর ঐ স্ত্রীলোকের কাফন চুরি করতে এল এবং কবর খুঁড়ল, তখন ঐ নেকমহিলা কবরের ভিতর থেকে বলল সুবনাহালাহ, আশ্চর্য

ব্যাপার একজন ক্ষমা পাওয়া মানুষ আর একজন ক্ষমা পাওয়া মানুষের কাফন চুরি করতে এসেছে। তখন ঐ কাফন চোর বলল, তুমি তো ক্ষমা পেয়েছ কিন্তু আমাকে কি করে ক্ষমা করা হল? তখন ঐ নেক মহিলা বলল - আমার জানাজায় যারা যারা शामिल হয়ে ছিল আল্লাহপাক আমাকে এবং তাদের সকলকে ক্ষমা করে দিয়েছেন। এই কথা শুনে কাফন চোর চলে গেল এবং খঁটি দিলে আল্লাহর কাছে তওবা করল” (শরহুসসুদূর ৮৬ পৃঃ)

আল্লাহর ওলীরা ইন্তেকালের পর জেদ্দা থাকেন এবং ভক্তদের সাহায্য করতে পারেন ফায়েজ দিতে পারেন। এর স্বপক্ষে বহু দলীল প্রমান আছে। এই ক্ষুদ্র পুস্তকের কলেবর বৃদ্ধির আশঙ্কায় এখানেই ক্ষান্ত হলাম কারন যারা মানবে তাদের জন্য দুএকটি দলীলই যথেষ্ট আর যারা মানবেনা তাদের জন্য হাজার দলীলে ওকাজ হবে না। মুসলমান ভাইগন, এই ফিতনার জামানায় ঈমান বজায় রাখুন আল্লাহর ওলীদের পথে কায়েম থাকুন। আহলে বায়েত পাক পাঞ্জাতনদের মাননেওয়ালা আশিক হয়ে দুনিয়ায় বেঁচে থাকুন। পরকালে ইনশাআল্লাহ বেড়া পার হয়ে যাবে।

বাতিল ফিরকা থেকে বেঁচে থাকুন

ভাইগন আগেই বলা হয়েছে যে ৭২ টি বাতিল দল এরা নিজেদেরকে ইমানদার মুসলমান বলে দেখাতে চায়। ইসলামী পোশাক টুপি দাড়ি নামাজ রোজার বহর দেখে অনেক সাধারণ মুসলমান তাদেরকে ঈমানদার ভেবে ফেলে কিন্তু সাবধান। একমাত্র সুন্নী মুসলমান ছাড়া সকলেই বাতিল ফিরকা ঈমান আকিদা সঠিক না হলে আমলের কোনো মূল্য নেই।

কয়েকটি বাতিল দলের সংক্ষিপ্ত পরিচয়

ইসলামের নাম করে অনেক বাতিল দল জগতের বুকে রয়েছে। এখানে উল্লেখযোগ্য কয়েকটি দলের পরিচয় দেওয়া হবে মাত্র। শীয়া - শীয়া দলটি অতি ভয়ানক একটি বাতিল দল। শীয়ারা অনেক দলে বিভক্ত। প্রতিটি শাখা-ই-হুছে বাতিল। এরা শেরে খোদা হজরত আলী ফাতেমা রাদিয়াল্লাহু আনহা ইমাম হাসান ও ইমাম হুসাইনকে মানার দাবী করে এবং নিজেদের কে আহলে বায়েতের প্রেমিক বলে প্রচার করে। কিন্তু এই শীয়ারা ৩০ পারা কোরআনকে কমপ্লিট কোরআন বলে মানেনা। এবং মওলা আলী ছাড়া ইসলামের আরও ৩ জন খলীফা হজরত আবুবকর সিদ্দিক হজরত উমর ফারুক হজরত উসমান গানি রাদিয়াল্লাহু আনহুম, এঁদেরকে মানেননা এবং এই মহামান্য খলীফাদেরকে

কাফের বেঈমান বলে । শীয়াদের কোনো পীর নাই । শীয়ারা ১২ ইমামের ইজ্জত সম্মান নবী পয়গম্বরদের থেকে বেশী বলে । অথচ ইসলামী আকিদা হল মানব জাতীর মধ্যে নবী রসুলরাই সর্বশ্রেষ্ঠ এবং তারা মাসুম অর্থাৎ নিষ্পাপ ।

হুজুর গওসপাক আব্দুল কাদের জিলানী রহমাতুল্লাহু আলাইহে শীয়া রাফেজীদেরকে কাফের বলেছেন । (গুনয়াতুতালেবিন) মুসলমান ভাইগন, এই শীয়াদের প্ররোচনায় পড়বেন না । এদের থেকে দূরে থাকুন । যদি কোনো ব্যক্তি বক্তৃতার মাধ্যমে বা লেখনির মাধ্যমে হজরত আবুবকর সিদ্দিক হজরত উমর ফারুক ও হজরত উসমান গনি বা রসুলুল্লাহ কোন সাহাবীর নিন্দা মন্দ করে বা গালি দেয় তাহলে নিঃসন্দেহে জানবেন ঐ ব্যক্তি শীয়া বেঈমান কাফের । নবীপাক সাল্লাল্লাহু আলাই হে অসাল্লাম বলেছেন । “ আমার সাহাবীরা আকাশের উজ্জ্বল নক্ষত্র ন্যায় , তোমরা যাকে অনুসরণ করবে হেদায়েতের আলো প্রাপ্ত হবে ।

জামাআতে ইসলামী হিন্দ বাতিল দল

আমাদের দেশে জামাআতে ইসলামী হিন্দ নামে একটি দলের আবির্ভাব হয়েছে । এরা রাজনীতির পটভূমিকায় যেতে চায় । এই দলটি বাতিল ও ওহাবী দল ভুক্ত । এই দলটির মেন গুরু হচ্ছে আবুলআলা মওদুদি সাহেব । মওদুদি সাহেব কোনো আলিম ছিলনা । নিজে ইসলামী পোশাক পড়ত না । এই লোকটি কোরআনের তরজমা করতে গিয়ে আমার প্রিয় নবীকে পাপী গুনাহগার লিখেছেন । নাউজুবিল্লাহ । জামাআতে ইসলামীরা নবীকে আমাদের মত মানুষ বলে । এরা ঘোর পীর আউলীয়া বিরোধী । মাজার বিরোধী । হানাফী শাফেয়ী মালেকি হাম্বলী এই চার মজহাবের কোনো একটি মজহাবকে এরা পূর্ণরূপে মান্য করে চলে না । গায়ের মুকাম্বিদ লা মজহাবিদের যে জঘন্য মতবাদ এদেরও সেই মতবাদ । অতএব জামাআতে ইসলামী থেকে দূরে থাকুন তানা হলে ঈমান বাঁচবে না । নাম শুনে ভুলে যাবেন না । নামটি রেখেছে জামাআতে ইসলাম অথচ ইসলাম বিরোধী মতবাদ এ যেন ঠিন কানা ছেলের নাম পদ্মলোচন । অতএব খুব সাবধান ।

তবলীগী জামাআত ইসলামের শত্রু

প্রিয় মুসলমান ভায়েরা , বর্তমানে জামানায় তবলীগ জামাআত নামে যে দলটি দেখতে পাচ্ছেন । এরা টুপি দাড়ি হাঁড়ি বাসন স্টোভ বালতি মশারি ইত্যাদি নিয়ে

গ্রামে গ্রামে মসজিদে মসজিদে ঘুরে বেড়ায়, গ্রামে গাস্ত করে বেড়ায় আর বলে সন্ধ্যাবেলা মসজিদে আমাদের কাছে চলুন। এই সব কথা বলে, ভোলে ভালা মুসলমান দেরকে মসজিদে ডেকে নিয়ে যায় আর মৌলবী জাকারিয়ার লেখা “তবলীগী নেসাব” নামক বইটি পড়ে শোনায় আর তাদেরকে চেম্বায় বা ৩ দিনের জন্য বা ৭ দিনের জন্য সাথে নিয়ে যাওয়ার জন্য উৎসাহিত করে আর বেহেস্তের লোভ দেখায়। আর লাখ লাখ নেকির কথা শোনায়। এরা আসলে ওহাবী দলভুক্ত মোটেই সুন্নি মুসলমান নয়। এই ইলিয়াসী তবলীগের নীতি সম্পূর্ণ ইসলাম বিরোধী। এই দেওবন্দী তবলীগীদের বড় বড় গুরু যারা, তারা হল মৌলবী খলিল আহমেদ আশ্বেঠবী মৌলবী আশরফ আলী থানবী এবং দেওবন্দ মাদ্রাসার প্রতিষ্ঠাতা মৌলবী কাসেম নানুতবী সাহেব। এদের মতপথ অনুযায়ী তবলীগ জামাআত পরিচালিত। মৌলবী ইলিয়াস কাঁধেলবী সাহেব আশরফ আলী থানবীর শিক্ষা এবং আকিদার উপরেই তবলীগ জামাত চালু করেছেন। এদের উদ্দেশ্য মানুষকে নামাজী বানানো নয় বরং নামাজ রোজার আড়ালে মানুষকে ওহাবী বানানো। এই বিষয়ে বিস্তারিত আলোচনা-ই পরে আছি।

ওহাবীদের উৎপত্তি

একদিন আল্লাহর হাবিব হুজুর পাক সালামুআল্লাহু আলাইহে অ সালাম আল্লাহ পাকের দরবারে দোয়া করছিলেন - “হে আল্লাহ তুমি শাম দেশে বরকত দান করো।” কিছু লোক বলল, হে আল্লাহর রসুল আপনি নজদের জন্য দোয়া করুন। তারপরে ও তিনি নজদের জন্য দোয়া না করে শাম ও ইয়ামানের জন্য দোয়া করলেন। লোকেরা পুণরায় বলল, ইয়া রাসুল্লাল্লাহু আপনি নজদের (বর্তমান আরবের রিয়াধশহর) জন্য দোয়া করুন করুন। দ্বিতীয়বারও আল্লাহর হাবিব শুধু শাম ও ইয়ামানের জন্য দোয়া করলেন। পুনরায় যখন হুজুর পাককে নজদের জন্য দোয়াকরার অনুরোধ করা হল - তখন নবীজি বললেন - ঐ নজদ দেশে ভূমিকম্প হবে এবং ফিতনাউদয় হবে এবং ওখান থেকে শয়তানের দল বের হবে।” (বুখারীশরীফ দ্রষ্টব্য)

হজরত আব্দুল্লাহ ইবনে উমার রাদিয়াল্লাহু আনহু বর্ণনা করেন যে আল্লাহর হাবিব একদিন হজরত মা হাফসার দরজার পাশে দাঁড়িয়ে পূর্বদিকে ইঙ্গিত করে বলেছিলেন - ফিতনা ঐ দিক থেকে বের হবে এবং ওখান থেকে শয়তানের দল

বের হবে । ” (মুসলিম শরীফ ২য় খন্ড ৩৯২ পৃঃ) খোলাসাতুল কালামে হাদিস বর্ণিত আছে যে আল্লাহর হাবিব বলেছেন - “ পূর্বদিক থেকে এমন একটি দল বের হবে তারা কোরআন পাঠ করবে কিন্তু কোরআন তাদের গলার নীচে নামবে না । তারা দীন ইসলাম থেকে এমন বেরিয়ে যাবে যেমন তীর শিকার ভেদ করে বেরিয়ে যায় । (খোলাসাতুল কালাম ও বুখারী শরীফ)

খোলাসাতুল কালামে এই হাদিস বর্ণিত আছে যে আল্লাহর নবী ঘোষণা করেছেন - “ আখেরী জামানায় মুসাইলামাতুল কাজজাবের শহর থেকে এমন এক ব্যক্তি বের হবে যে দীন ইসলামকে পাল্টাতে চেষ্টা করবে । দয়ার নবীর ভবিষ্যত বাণী সম্পূর্ণ সত্যে পরিণত হয়েছে । ১১১৫ হিজরীতে নজদ দেশের আইনিয়া নামক স্থানে মহম্মদ ইবনে আব্দুল ওহাব নাজদী জন্মগ্রহণ করে । এই নজদ -ই-হচ্ছে মুসাইলামা কাজজাবের শহর । এই পাপিষ্ঠ নিজে নবী হওয়ার দাবী করেছিল । পূর্বদিকে ইঙ্গিত করার কারণ হচ্ছে মদীনা শরিফ থেকে নজদ বা রিয়াদ শহর পূর্ব দিকে অবস্থিত । বুখারী শরীফ হাদিসে ওহাবীদের সম্পর্কে নবীজির ভবিষ্যতবাণী আছে - ওরা দীন ইসলাম থেকে বেরিয়ে যাবে যেমন তীর শিকার ভেদ করে বেরিয়ে যায় । আমি যদি ওদের সামুদ জাতির মত পেতাম তাহলে ওদেরকে অবশ্যই হত্যা করতাম (বুখারী শরীফ ৬২৪ পৃঃ)

ইবনে আব্দুল ওহাব নাজদী কিশোর বয়স থেকে লেখা পড়া সমাপ্ত করার পর বড় হয়ে এক নতুন মতবাদের সৃষ্টি করল । তারপর ১১৪৩ হিজরীতে সেই মতবাদের প্রচার শুরু করল । অধিকাংশ মুখ্য ব্যক্তি গন-ই তার মতবাদের সমর্থক হয়ে উঠতে লাগল । মুহাম্মদ ইবনে আব্দুল ওহাব নাজদীর অনুসারীদেরকে ওহাবী বলা হয় । ১১৫০ হিজরীতে ধীরে ধীরে ইবনে আব্দুল ওহাবের দল প্রসার লাভ করল এবং সক্রিয় দল হিসাবে গন্য হল । সে এবং তাঁর অনুগামীরা নিজে দেরকে ব্যতীত কাউকে মুসলমান ধারণা করতে না । বরং অহেতুক ভাবে সুন্নি মুসলমানদের প্রতি শিরক ও কুফরের ফতোয়া আরোপ করে মুশরিফ ও কাফের মনে করত । নবীপাক সাল্লাল্লাহু আলাইহে অসাল্লামের প্রতি বেশী মহব্বত রাখা শিরক মনে করত । ইবনে আব্দুল ওহাব নাজদী ওমরাহির এমন পর্যায়ে পৌঁছে গিয়েছিল যে নবী পাকের রওয়াজামুবারককে বড় ঠাকুর বলে ঘোষণা করেছিল । এবং নবী ও ওলীদের ওসীলা নিয়ে আল্লাহর কাছে দোয়া করাকে নাজায়েজ বলত । অনেক সুন্নি আলেমদের কে হত্যা করেছিল । সাহাবায়ে কেরাম ও

আহলে বায়েতদের মাজার শরীফগুলো ভেঙে চুরমার করে দিয়েছিল। বলা বাহুল্য এই ওহাবী বেঈমানরা প্রিয়নবীর রওজামুবারককে ধ্বংস করার কু অভিসন্ধি নিয়ে গুম্বজ শরীফের উপরে উঠেছিল ঠিক তখনই আল্লাহর কুদরতে একটি বিশাল আকারের সাপ নির্গত হয়ে তাদেরকে ধ্বংস করে দেয় তখন ওহাবী নজদীরা ভয়ে সেখান থেকে পলায়ন করে। (সাইফুল জব্বার ও জায়াল হক দ্রষ্টব্য) পাঠকগণ, আপনারা জেনে রাখুন যে নবীজির ভবিষ্যত বাণী অনুযায়ী তাঁর উম্মতগণ ৭৩ টি দলে বিভক্ত হয়ে যাবে। তার মধ্যে একটি দলই মুক্তি প্রাপ্ত, সেই মুক্তি প্রাপ্ত জামাতী দলটি হল শাফেয়ী - মালেকি - হাম্বলী এই চার মজহাব মিলে হচ্ছে সুন্নি জামাত। পৃথিবীর বুকে যত ওলী আউলিয়া গওস কুতুব পীর ফকির দরবেশ এসেছেন এবং আছেন এঁরা সকলেই সুন্নি জামায়েতের মানুষ। সুন্নী ছাড়া কেউই ওলী হতে পারবে না। সাবধান শত সাবধান দেওবন্দী তবলীগী জামাতরাও নিজেদেরকে সুন্নী ও হানাফী বলে প্রচার করে। কিন্তু এরা মোটেই সুন্নি বা হানাফী নয়। আরবের ওহাবীরা যেমন নিজেদেরকে হানাফী বলে প্রচার করে। ইদানিং করে অনেক তবলীগ ভক্তরা নামাজ পড়ার সময় তকবীরে তাহারিমার সময় কানপর্যন্ত হাত উঠায় না এবং নাভির নীচে হাত না বেঁধে পেটের উপর হাত বাঁধে অথচ হানাফীদের মসলা হল তাকবীরে তাহারিমার সময় দুই হাতের বৃদ্ধাঙ্গুল কর্ণমূলে স্পর্শ করতে হবে এবং নাভীর নীচে হাত বাঁধতে হবে। এটাই হচ্ছে হজরত ইমাম আবু হানীফা রহমাতুল্লাহ আলাইহের মত।

তবলীগী জামাত পাক্কাত ওহাবী দল

পাঠকগণ, আপনারা অবগত হোন, দিল্লীর নিকট কাঁক্কেলা শহরের বাসিন্দা মৌলবী ইলিয়াস সাহেব হচ্ছেন বর্তমান ছয় উসুলের তবলীগ জামাতের প্রতিষ্ঠাতা। সেই ইলিয়াস সাহেব কি বলছেন শুনুন। মৌলবি ইলিয়াস সাহেব বলেন - “মৌলানা আশরফ আলী থানবী সাহেব খুব বড় কাজ করে গেছেন। তাই আমার মনের ইচ্ছা তবলীগ জামাতের তালিম বা শিক্ষা থানবী সাহেবের মত অনুযায়ী হবে আর তবলীগের পদ্ধতিটা হবে আমার। (মলফুজাতে ইলিয়াস দ্রঃ) ছিঃ ছিঃ ইলিয়াস সাহেবের ইচ্ছা দেখুন, যে আশরফ আলী থানবী নবীর পবিত্র জ্ঞানকে চতুষ্পদ জন্তুর সাথে তুলনা দিয়েছে আর নবীর শানে কত গুস্তাখী করেছে। সারা বিশ্বের উলামা যাকে কাকের হওয়ার ফতওয়া দিয়েছে। তার-ই বদ আকিদা কে তবলীগের মাধ্যমে সারা বিশ্বে ছড়িয়ে দিতে চায়। হায়রে ইলিয়াসী স্বপ্ন।

আশরফ আলী থানবীর বর্ণনা

তবলীগী জামাতের আলেমদের নিকট মৌলবী আশরফ আলী থানবী একজন বড়ধরনের পীর। বিশেষ করে তার লিখিত কিতাব সমূহ দেওবন্দীদের নিকট খুবই- সমাদৃত। অধিকাংশ দেওবন্দী মাদ্রাসায় থানবী সাহেবের লেখা “বেহেশতী জেওর” নামক পুস্তকটি পড়ানো হয়ে থাকে। এই কুখ্যাত ব্যক্তিটি আমার রসূলে পাক সাল্লাল্লাহু আলাইহে অসাল্লামের শানে লেখনীর মাধ্যমে অনেক অশুভ আচরণ করেছে। নিজে পাকা ওহাবী হওয়া সত্ত্বেও হানাফীদের কাছে নিজেকে হানাফী বলে প্রচার করত এবং বাহ্যিক নামাজ রোজা মশলা মাসায়েলের ব্যাপারে ইমাম আজম আবু হানিফার মত অনুযায়ী ফতওয়া দিত। কিন্তু আকিদায় সম্পূর্ণ ওহাবী ছিল এতে সন্দেহের কোনো অবকাশ নাই। আশরফ আলি থানবি তার নিজ লিখিত পুস্তক “ইফাজাতে ইয়াওমিয়া”-র মধ্যে লিখেছেন - “বেদাতীর অর্থ হচ্ছে আদবওয়ালা কিন্তু বেঈমান আর ওহাবির অর্থ হচ্ছে বে-আদব কিন্তু ঈমানওয়ালা। (ইফাজাতে ইয়াওমিয়া ৩য় খন্ড ১৬৬ পৃঃ এবং ৪র্থ খন্ড ৮১ পৃঃ ও ১৭০ পৃঃ) শ্রদ্ধেয় মুসলীম ভাইগন আপনারা ইতি মধ্যেই জেনেছেন - ওহাবী ধর্মের প্রবর্তক ইবনে আব্দুল ওহাব নজদী ওতার অনুসারী ও অনুগামীরা কত জঘন্য মতবাদের লোক ছিল। তাদের অনেক জঘন্য মতবাদ আমি ধারাবাহিকভাবে পেশ করেছি। আর এটাও জেনেছেন ওহাবীদের মতবাদ অনুযায়ী বিশ্বের সমূহ মুসলমান কাফের মুশরেক বেঈমান। সেই জঘন্য মতবাদের অনুসারী ওহাবীদেরকে তবলীগী জামাতের নাটেরগুরু মৌলবী আশরফ আলী থানবী “ঈমানওয়ালা” তথা ঈমানদার বলে ফতওয়া দিল। থানবী সাহেব শুধু ফতওয়া দিয়েই ক্ষান্ত হয়নি বরং ঈমানদার মুসলমানদেরকে পাক্কা ওহাবী বানাবার অদম্য বাসনা তারমনে ছিল। যেমন থানবী সাহেব স্বয়ং লিখল - “যদি আমার কাছে দশ হাজার টাকা থাকত, তাহলে আমি সকলের বেতন ধার্য করে দিতাম তাহলে তারা স্বেচ্ছায় ওহাবী হয়ে যেত।” (ইফাজাতে ইয়াওমিয়া ৩য় খন্ড ৬৭ পৃঃ) থানবী সাহেব যখন কানপুরে থাকত এবং ছাত্রদেরকে হাদিসের শিক্ষা দিত, সেই সময়কার ঘটনা হচ্ছে নিম্নরূপ -

“এক বৃদ্ধা মহিলা কিছু মিষ্টি নিয়ে থানবি সাহেবের কাছে ফাতেহা করার জন্য এনেছিল। সেই সময় থানবী সাহেব মাদ্রাসায় ছিল না। তাই মাদ্রাসার ছাত্ররা বিনা ফাতেহাতেই সেই মিষ্টিগুলো খেয়ে ফেলেছিল। তাতে বৃদ্ধা মহিলা খুবই

দুঃখ পেল। যখন আশরফ আলী থানবী সাহেব এল তখন বুড়ি ছাত্রদের বিরুদ্ধে তার কাছে অভিযোগ জানাল। তখন থানবী সাহেব বুড়িকে বলল - “মা তুমি এখানে ফাতেহা করার জন্য কিছু আনবে না, এখানে ওহাবীরা থাকে আমরা ফাতেহা মানি না। (আশরাফুস সাওয়ানেহ দ্রঃ)

মুসলমান ভাইগন, চিন্তা করে দেখুন, বেচারী বুড়ি থানবী সাহেবকে সুন্নি আলেম ভেবে ফাতেহা করতে গিয়ে ছিল। যেহেতু থানবী সাহেব ফাতেহা মানেনা ছাত্রদের কেও ঐ রকম আকিদার তৈরী করেছে তাই তারা বদমায়েসী করে বিনা ফাতেহাতেই মিষ্টিগুলো খেয়ে ফেলেছিল।

থানবী সাহেবের হিফজুল ইমান

মৌলবী আশরফ আলী থানবী সাহেব “হিফজুল ইমান” নামক একটি ছোট পুস্তিকা লেখে। এই পুস্তিকার মধ্যে থানবী সাহেব আমার দোজাহানের বাদশা প্রিয় রসুলে মকবুল সাল্লাল্লাহু আলাইহে অসাল্লামের পবিত্র ইলমে গায়েবকে অস্বিকার করে নবীপাকের পবিত্র জ্ঞানকে ভূচর, খেচর, উন্মাদ, পাগল ও জন্তুজানোয়ারের সাথে তুলনা করেছে। (হিফজুল ইমান ৮ পৃঃ)

এই অশালীন বাক্য আমার নবীপাকের শানে লেখার জন্য তামাম বিশ্বের চার মজহাবের স্বনামধন্য উলামাগন আশরফ আলী থানবীকে কাকের মূর্তাদ হওয়ার ফতওয়া দিয়েছেন। (হুসামুল হারামাইন ও আসসাওয়ারেসুল হিন্দিয়া দ্রঃ)

দেওবন্দীদের আরও তিন বুজর্গ

দেওবন্দী তবলীগী জামাতের আরও তিন বুজর্গ হচ্ছেন। মৌলবী রশীদ আহমাদ গাঙ্গেহী, মৌলবী খলীল আহমাদ আশ্বেঠবী ও দেওবন্দ মাদ্রাসার প্রতিষ্ঠাতা মৌলবী কাসেম নানুতবী সাহেবগন। এই তিন মৌলবির উপর ও কুফরের ফতওয়া আছে। কারণ গুলো শুনুন, রশীদ আহমাদ গাঙ্গেহী, ওহাবীদের ভূয়সী প্রশংসা করেছেন। আল্লাহর জন্য মিথ্যা বলা সম্ভব বলেছেন। নবীর ইলমে গায়েবকে অস্বিকার করেছেন। মৌলবী খলিল আহমেদ আশ্বেঠবী তাঁর “বারাহিনে কাতেয়া” পুস্তকে শয়তানের জ্ঞান নবীজির থেকে বেশী বলেছে। নবীর নামে মিলাদ মহফিল করা শ্রীকৃষ্ণের সঙ বলেছেন এবং আরও লিখেছেন - দেওয়ালের ওপারে কি হচ্ছে নবী এপার থেকে বুঝতে পারবেন না। (বারাহিনে কাতেয়া দ্রঃ)

হায় হায় কি গজবের কথা। যেনবীকে আল্লাহপাক ভূতভবিষ্যতের জ্ঞান দান

করেছেন যিনি নবুয়তের নজর দিয়ে সারা আসমান জমীনকে দেখেন । যে নবী নবুয়তের জবান মুবারক দিয়ে ‘হ্যা’ বললেই “ ওয়াজিব ” হয়ে যায় । আর ‘না’ বললে হারাম হয়ে যায় । এত বড় উচ্চমর্যাদা আমার রসূলে পাকের । সেই নবীপাক সমক্ষে দেওবন্দী গুরুদের কেমন কটুক্তি দেখুন , কারণ ওহাবীরা নবীর আদব স্বীকার করে না । নবীকে মুর্দা নবী বলে । নবীকে বেশী মহব্বত করা শেরেক বলে । কেননা ইবনে আব্দুল ওয়াব নজদী তার কিতাবুত তৌহিদ ” নামক পুস্তকে লিখেছেন - নবীর প্রতি অতি মহব্বত রাখা শেরেক । চিন্তা করে দেখুন মুসলমান , যে নবীর প্রেম ছাড়া আল্লাহপাককে একবিন্দু রাজি করা সম্ভব নয় , যে নবীর প্রেমে আল্লাহপাক তামাম জাহান সৃষ্টি করেছেন , সেই নবীকে বেশী মহব্বত করা ওহাবীরা শেরেক লিখল । যে ইবনে আব্দুল ওহাব নাজদী নবীর শানে এত বড় বেআদবী করল । তবলীগী নেতা মৌলবী রশিদ আহমেদ গাঙ্গোহী তাঁর সম্পর্কে কি লিখেছেন দেখুন - মহম্মদ ইবনে আব্দুল ওহাব নজদীর অনুসরনকারীদেরকে ওহাবী বলা হয় । তার মতবাদ খুবই ভালো ছিল । তিনি হাম্বলী মতাবলম্বী ছিলেন । অবশ্য তার মেজাজে কঠোরতা ছিল । তাঁর অনুসারী গন সৎপথে আছেন । কিন্তু যারা সীমা অতিক্রম করে গেছে তাদের মধ্যে বিশৃঙ্খলা দেখা দিয়েছে । (ফতওয়ায়ে রশিদীয়া দ্রঃ)

ছিঃ ছিঃ রশিদ আহমেদ গাঙ্গোহীর কি আকিদা দেখুন । যে ইবনে আব্দুল ওহাব এত বড় নবীর দুষমন । যে ওহাবীরা সাহাবীদের ও আহলে বায়েত দের মাজার ধ্বংস করল । পাক নবীজির মাজার শরীফ ভাঙার অপচেষ্টা করেছিল । যারা সমূহ মুসলমানকে কাকের মুশারেক মনে করত । “ নবী পাক রওজা শরীফে জেন্দা আছেন ” এই কথা যারা অস্বীকার করত তারা নাকি তবলীগী জামাতের নেতা রশিদ আহমাদ গাঙ্গোহীর ফতওয়ায় সৎপথে আছেন !

গাঙ্গোহী সাহেবের ঈমান ধ্বংসকারী ফতওয়া

মৌলবী রশীদ আহমাদ গাঙ্গোহী তাঁর “ ফতওয়ায়ে রশীদিয়া ” পুস্তকে প্রশ্নউত্তরের ছলে কিছু ফতওয়া লিখেছেন যেমন :- প্রশ্ন - যে জায়গায় লোকে দাঁড়কাক খাওয়াকে হারাম মনে করে এবং ভক্ষণকারীকে লোকে মন্দ বলে , সেই জায়গায় দাঁড়কাক খেলে সওয়াব হবে নাকি আজাব হবে ?

উত্তর - সওয়াব হবে (ফতওয়ায়ে রশিদীয়া ২য় খন্ড ১৪৫ পৃঃ) প্রশ্ন :- হিন্দুদের হোলি, দেওয়ালী, পূজা-পার্বনে তারা নিজেদের শিক্ষক হাকিম ও চাকরদের

কে পুরী কচুরি খাইয়ে থাকে । এবং উপটৌকন স্বরূপ দিয়ে থাকে । সেই পুরী কচুরি ও অন্যান্য খাদ্য দ্রব্য মুসলমান শিক্ষক হাকিম ও চাকরদের খাওয়াকি জায়েজ বা ন্যায় সংগত ?

উত্তর :- জায়েজ আছে, ন্যায় সংগত । (ফতওয়ায়ে রশিদীয়া ২য় খন্ড ১০৭ পৃঃ)

এর সংগে গাঙ্গোহী সাহেবের আর ও ফতওয়া দেখুন- “ মুহাররম মাসে ইমাম হাসান ও ইমাম হুসেনের ফাতেহা করা লোককে শরবত পান কারানো ও ক্ষীর সাবিল ইত্যাদির জন্য চাঁদা দেওয়া ও খাওয়া জায়েজ নয় বরং † রাফেজীদের অনুকরণ হওয়ার কারণে হারাম ।” (ফতওয়ায়ে রশিদীয়া ৩য় খন্ড ১১ পৃঃ)

পাঠকগন আপনারা পরিষ্কার জানতে পারলেন যে দেওবন্দী তবলীগী জামাতের মতে হিন্দুদের হোলী দেওয়ালীর পুরী ও কচুরী খাওয়া জায়েজ । কিন্তু জামাতের সর্দার হজরত ইমাম হাসান পাক ও হজরত ইমাম হুসেন পাকের ফাতেহার দুধ ক্ষীর শরবত ইত্যাদি খাওয়া নাজায়েজ ও হারাম । সেইজন্য কোনো দেওবন্দী তবলীগী জামাতী মুহাররম মাসে হজরত ইমাম হাসান রাদিয়াল্লাহু আনহু ও হজরত ইমাম হুসেন রাদিয়াল্লাহু আনহুরা নামে ফাতেহা করেও না এবং ফাতেহা করাকে নাজায়েজ বলে । আমাদের আহলে সুন্নত অলজামাতের সমস্ত আলেম ও মুফতীগন শীয়া রাফেজীদেরকে অন্যান্য বদ আকিদার কারণে কাফের মনে করেন । তাই বলে জামাতের সর্দার ইমাম দ্বয়ের নামে ফাতেহাকে নাজায়েজ বলেন না । কিন্তু দেওবন্দীদের মতে এটা সম্পূর্ণ হারাম । (নাউজুবিল্লাহ)

গাঙ্গোহী সাহেব “ ফতওয়ায়ে রশীদিয়ার মধ্যে আরও লিখলেন - নবীর নামে মীলাদ শরীফের অনুষ্ঠান করা কোনো মতেই জায়েজ নয় । যদিও সেই অনুষ্ঠানে কিয়ামা নাই হোক । যদি সহী হাদীসের বর্ণনাও করা হয় এবং সেখানে কোনো শরীয়তের খেলাপ কাজ নাও হয় এবং তথাপি মীলাদের অনুষ্ঠান করা নাজায়েজ, ” (ফতওয়ায়ে রশীদিয়া ২য় খন্ড ৮৩ পৃঃ)

গাঙ্গোহীর মতে মীলাদ শরীফ কোনো মতেই জায়েজ নয় । কিয়াম ছাড়া মীলাদ হলেও জায়েজ নয় । সহী হাদীস বললেও জায়েজ নয় । তবে দেওবন্দী মোল্লারা কেন-ই বা মীলাদের মজলীসে ওয়াজ করতে যায় । নাকি টাকা পয়সার লোভে তখন ওদের কাছে জায়েজ হয়ে যায় । আসল কথা হল দেওবন্দী তবলীগ জামাতরা প্রিয়নবীজির প্রশংসার মজলীসকে দেখতে পারে না । তা না হলে এইরকম ফতওয়া দিয়ে মুসলমানদের মধ্যে কেন এমন ফীতনার বীজ বপন

করল । আসলে তবলীগ জামাত হচ্ছে নামাজ রোজার মুখোশে বর্ণ চোরা ইবলিসের ভক্ত ও নবীজির দুশমন ।

কাসেম নানুতবীকে চিনে নিন

মুসলমান ভাইগন, এবার দেখুন মৌলবী কাসেম নানুতবীর বদ আকিদা । যে বদ আকিদা বা কুমতবাদের কারণে বিশ্যবরণ্য মুফতীগণ কাসেম নানুতবীকে কাফের হওয়ার সার্টিফিকেট প্রদান করেছেন । আর জেনে রাখুন - মৌলবী কাসেম নানুতবী দেওবন্দী তবলীগী জামাতীদের নিকট খুবই- বুজর্গ ব্যক্তি । এবং ইনি হচ্ছেন দেওবন্দ মাদ্রাসার প্রতিষ্ঠাতা । আপনারা লক্ষ করে দেখবেন যে আমাদের দেশে এমন অনেক মৌলবীর আমদানী হয়েছে , যারা নিজ নামের শেষে “ কাসেমী ” শব্দটি লিখে থাকেন । জেনে রাখবেন এরা সবাই দেওবন্দ মাদ্রাসা থেকে ফারেগ এবং মৌলবী কাসেম নানুতবীর চরম অনুরক্ত ও পরম ভক্ত । তবলীগ জামাতীদের নাটের গুরু মৌলবি জাকারীয়া সাহেব তাঁর “তবলীগী নেসাব ” বা ফাজায়েল আমাল পুস্তকের ফাজায়েল কোরআনের ভূমিকায় মৌলবী কাসেম নানুতবীকে “ হুজ্জাতুল ইসলাম ” অর্থাৎ ইসলামের দলীল বলে উল্লেখ করেছেন । অতএব বোঝা গেল যে নানুতবী সাহেব সমস্ত তবলীগী জামাতের মান্য বুজর্গ এবং নেতা । এবার দেখুন , কাসেম নানুতবী সাহেব আমার নবী সম্পর্কে কী লিখলেন :- “ সাধারণ মানুষের ধারণা , যে হুজুর সাল্লাল্লাহু আলাইহে অ সাল্লামের শেষ নবী হওয়ার অর্থ - হুজুরের নবুয়তের যুগ পূর্বকার নবীদের পরে এবং তিনি সকলের শেষ নবী । কিন্তু জ্ঞানীদের নিকট অন্য নবীদের আগে আসা এবং হুজুরের পরে আসাতে কোনো মাহাত্ত নেই । (তাহজিরুল্লাস ৩য় পৃষ্ঠা লেখক কাসেম নানুতবী)

কাসেম নানুতবী আরও লিখলেন - “ যদি মেনে নওয়া হয় যে , হুজুরের যুগে অথবা হুজুরের পরের যুগে কোনো নবী আসবে তা হলে ও নবীজির শেষ নবী হওয়াতে কোনো পার্থক্য আসবে না । (তাহজিরুল্লাস ১৩ পৃঃ)

এখানে কাসেম নানুতবী সাহেব খতমে নবুয়তের আকিদাকে অর্থাৎ “ হজরত মুহাম্মদ সাল্লাল্লাহু আলাইহে আসাল্লাম যে শেষ নবী ” এই মতবাদকে অস্বীকার করল এবং “নতুন নবী হওয়া সম্ভব” এই মতবাদকে বলবৎ করল । সেই সংগে নরকের কীট মীর্জা গোলাম আহমাদ কাদিয়ানী যে নবী হওয়ার দাবী করেছিল সেই দরজা উন্মুক্ত করে দিল । আমাদের পিয়ারা নবী দোজাহানের বাদশা ঘোষণা করেছেন - “আনা খাতামুন নাবিইনা লা নাবিয়া

বাদী - অর্থাৎ আমিই হচ্ছে শেষ নবী আমার পরে কেউ নবী হবে না । কিন্তু কাসেম নানুতবীর ফতওয়া হল , আমাদের নবীর পরেও নবী আসা সম্ভব । (নাউজুবিল্লাহ) । এই বেআদব পুনরায় কি লিখল দেখুন :- “ জ্ঞান ও বুদ্ধির দিক দিয়ে নবীগন উম্মতের চেয়ে শ্রেষ্ঠ হন । কিন্তু আমলের দিক দিয়ে উম্মরাও নবীর সমান হতে পারে এবং কখনও কখনও বেড়েও যায় । (তাজহিরুন্নাস ৫ম পৃ) নাউজুবিল্লাহ । আমাদের সুন্নিদের মতবাদ হল এই যে উম্মতের লক্ষ্য লক্ষ্য সেজদা আমার পাক নবীজির একটি সেজদার সমতুল্য হবে না । সে ক্ষেত্রে এ কথা কেমন করে বলা যেতে পারে - উম্মতরা আমলের দিক দিয়ে নবীর সমান হয়ে যায় এবং বেড়েও যায় । কোনো রসুল প্রেমিক একথা জবান দিয়ে উচ্চারণ করতে পারে না । কিন্তু কাসেম নানুতবী সাহেব বিনা দ্বিধায় লিখে দিল যে উম্মত গন নবীর সমান হয়ে যায় বরং বেড়েও যায় । এই জন্যই মনে হয় তবলীগ জামাতীরা আমার নবীকে বড়ভাই বলা জায়েজ মনে করেন । সেই সংগে দাবীকরে আমরা নবীয়ানা কাজ করছি । (মানে তবলীগ করার ব্যাপারে নবী এবং আমরা এক-ই-সমান) ওরে বে-আদব বেকুফের দল , আমার নবীজি তোমার মত তবলীগ করেছিল ? নবী কি ছয় উসুলের মধ্যে তবলীগকে সীমাবদ্ধ করেছিল । হুজুরপাক কাকেরদের নিকট কালেমার দাওয়াত নিয়ে গিয়েছিলেন । আর এটাকেই বলে খাঁটি তবলীগ ।

তবলীগ জামাতের ফাঁদে পা দেবেন না

মুসলমান ভাইগন, জেনে রাখুন তবলীগ জামাত হচ্ছে খুব সুচতুর শিকারী । এরা নামাজ রোজার সাইন বোর্ড লাগিয়ে ইসলামী ড্রেস পোশাক পরে মুসলমানদেরকে ওহাবী বানাবার কলা কৌশল বের করেছে ।

“নামাজ রোজার মুখোশ পরে ফাঁদ পাতিল ইলিয়াস

সেই ফাঁদেতে পা দিয়ে ভাই কত লোকের সর্বনাশ , ।

কাঁচা পিয়াজ খেয়ে ভাইরে মসজিদে যেতে মানা

সেই কাঁচা পিয়াজ কেটে তবলীগ জামাত মসজিদে বানায় খানা ।”

আমার ভায়েরা , ভালো করে জেনে নিন । দেওবন্দীদের উক্তচর মৌলবী অর্থাৎ আশরফ আলী থানবী রশীদ আহমাদ গাঙ্গোহী খলীল আহমাদ আন্বেঠবী ও মৌলবী কাসেম নানুতবী এরা সকলেই ছিল ওহাবী মতবাদের সমর্থক এবং আমার রসুলে পাকের শানে বেআদবী গুস্তাখী করনেওয়ালা । যার কারণে

সারাবিশ্বের আহলে সুন্নত অল জামাতের উলামাগন ঐ চার মৌলবীকে কাফের বেঈমান ও মূর্তাদ হওয়ার ফতোয়া দিয়েছেন । (হুসামুল হারমাইন ও আসসাওয়ারেমুল হিন্দিয়া দ্রঃ)

যে ফতওয়া মেনে নেওয়া প্রতিটি মুসলমানের কর্তব্য । তবলীগ জামাত হচ্ছে ঐ কাফের ফতওয়া প্রাপ্ত মৌলবীদের অনুসারী । অতএব ওদের হতে সাবধান । ওরা বহু জায়গায় ফিতনা ফাসাদ চালু করে রেখেছে । কোথাও নবীর জন্য কিয়াম নিয়ে ঝামেলা । কোথাও ইলমে নবীর গায়েব নিয়ে ঝামেলা । কোথাও পীরের উরুস ফাতেহা নিয়ে ঝামেলা । মোট কথা চতুর্দিকে এরা ফেতনা জারী করে রেখেছে । এই ফেতনার জামানয় ঈমান কায়েম রাখা অনেক মানুষের পক্ষে দুষ্কর হয়ে পড়েছে । লম্বা জামা রুমাল আর টুপি দাড়ির বাহার দেখে সাধারণ মানুষ বুঝতেই পারছে না কে ঈমানদার আর কে ঈমান চোর । যুগে যুগে একদল ইসলামের দুশমন হয়ে এসেছে এবং আসবে তাদের ব্যাহিক চেহারা ও চালচলন খুবই সুন্দর হবে আর ভিতর হবে বদ আকিদায় ভরা । যেমন ইমিটেশন বা রোল্ড গোল্ড গহনা যা দেখলে মনে হবে সোনার মত কিন্তু মোটেই সোনা হবে না । ঠিক তেমনই তবলীগ জামাত আজ সেই রোল্ড গোল্ড বা ইমিটেশনের মত । এদের চাল চলন খুবই সুন্দর হবে । এরা কলেমা বা নামাজের ডাক দেবে কিন্তু আকিদা বা মতবাদ পুরোপুরি খাদে ভর্তি যা ঈমানদার মুসলমানদের জন্য বিরাট ক্ষতি কারক । তবলীগ জামাতের আসল মতলব কিন্তু, কলেমা নামাজের প্রচার নয় । বরং ওহাবীবানাবার কলাকৌশল । তবলীগীদের বড়মাপের বুজর্গ মৌলবী জাকারিয়া সাহেব, যার লেখা “তবলীগী নেসাব বা ফাজায়েল আমাল” নামক পুস্তকটি তবলীগ জামাত অহরহ নিয়ে ঘুরে বেড়ায় আর মসজিদে মসজিদে মিস্বরের উপর রেখে দেয় এরা এই বইটিকে “কোরআন শরীফের মত সম্মান করে । যাই হোক ঐ জাকারিয়া সাহেব নিজে মুখে স্বীকার করেছেন - যে উনি ওহাবী । মৌলবী ইলিয়াস সাহেবের পরে বিশ্ব তবলীগ জামাতের আমির হয়েছিলেন মৌলানা ইউসুফ সাহেব । এই ইউসুফসাহেবের জীবনীতে লেখা আছে - মৌলানা মনজুর নোমানী জাকারিয়া সাহেব কে বললেন আমি তো একজন ওহাবী , তার উত্তরে জাকারিয়া সাহেব বলেন - মৌলানা আমি তো তোমার থেকে বড় ওহাবী ” । (সাওয়ানেহ মাওলানা মহম্মদ ইউসুফ পৃঃ) কোনো তবলীগ জামাতীর মাথা উঁচু করে বলার হিম্মত নাই যে আমরা ওহাবী

নই”। এই ওহাবীরা হচ্ছে বেঈমান ও নবী পাকের বেআদব। এরা নতুন নতুন ফতওয়া ও মনগড়া নীতি বের করেছে। এরা সাধারণ মুসলমানদেরকে জাম্মাতের লোভ দেখিয়ে চিল্লায় বের করে পাক্ষা ওহাবী বানিয়ে ছাড়ে। অথচ জাম্মাতওয়ালা নবী পাকের কোন আদব এরা করে না আর জাম্মাতের সর্দার হজরত ইমাম হাসান ও ইমাম হুসেন পাকের সংগে আহলে বায়েত পাক পাঞ্জাতনের সংগে এদের কোনো সম্পর্ক নাই। এদের নীতি হল চিল্লা দাও আর জাহান্নমের টিকিট নাও। আর নবীর প্রেম মহব্বতের ব্যাপারে আঘাত করো। ওলী গওস কুতুব ও পীরেদের সিলসিলার বিরোধীতা করো - জলসায় জলসায় পীরদের গীবত করা আর মীলাদ কিয়াম ফাতেহা কলমাখানী সবেবরাতে বিরুদ্ধে ফতওয়া দেওয়া আজানের পরে দোয়া ও জানাজার পরে দোয়ার বিরোধীতা করা এই হল তবলীগ জাম্মাতের কাজ। পীর ওলীদের মহব্বত বন্ধ করো এই সব ঘৃণ্য চক্রান্ত ও প্রচার করা ছাড়া আর কিছুই দেখতে পাওয়া যায় না। আজ এই যুগের মানুষ কত রকম চক্রান্তে লিপ্ত। পেটের জ্বালায় বিভ্রান্ত। তাদের জন্য কোনো চিন্তা করে না। হারামখোর সুদ খোর পণের টাকা ঘোর জালিয়াতি। এসবের জন্য তবলীগী ভায়েরদের কোনো চিন্তা নাই। শুধু কাজ কারবার বন্ধ করো আর চিল্লা দাও। ডাক্তার রুগী দেখা বাদ দাও চিল্লা দাও, চাষী চাষ করা বাদ দাও চিল্লা দাও ইত্যাদি। আল্লাহপাক তো কোরআনে ঘোষণা করেছেন - নামাজ শেষ করে হালাল রুজির তালাশ করো। হারাম খোরের কোনো ইবাদত কবুল হয় না। তবলীগ জাম্মাতের ভায়েরা সে সব ভাবনা করেন না শুধু মাত্র নামাজ পড়ো আর ঘর ছেড়ে বেরিয়ে পড়ো। কোন কিতাবে লেখা আছে দেখাতে পারবেন? কিয়ামতের ফজর পর্যন্ত এর উত্তর দিতে পারবেন না। প্রিয় মুসলমান ভায়েরা, খুব সাবধান তবলীগ জাম্মাতে হতে দূরে থাকুন ওরা সুন্নী মুসলমান নয়। ওদের মতবাদ হচ্ছে নজদী ওহাবী মতবাদ। ওদের নামাজ রোজা তসবীহ সব-ই বাহ্যিক রূপ। ওদের ঈমান আকিদা শুদ্ধ নয়। ভুল করে কেউ পড়ে ফেললে পুনরায় নামাজ পড়তে হবে নচেৎ ফরজত্যাগের গুনাহ হবে। ওদের সঙ্গ করা তবলীগে লম্নন করা গাস্ত করা সবই নাজায়েজ। অতএব মুসলমান খুব সাবধান শতবার সাবধান, তবলীগে জাম্মাতে যাওয়া তো দূরের কথা। তবলীগ জাম্মাতকে সমর্থন পর্যন্ত করবেন না তাহলে ঈমান চলে যাবে। সুন্নীদের কিতাব পড়ুন সুন্নী পীরপন্থী আলেমদের সংগ করুন কোনো কামেল

পীরের কাছে মুরিদ হয়ে তরীকাপন্থী মানুষ হয়ে যান । ইনশাআল্লাহ আপনার ঈমান বেঁচে যাবে এবং পরকালে নবীপাকের সুপারিশ ও জাম্মাতনসীব হবে ।

পীরের প্রয়োজন

“মিল নেহিসাকতা খোদা পীর কা ওসিলা ছোড় কার

মুমকিন নেহি চড়িয়ে ছাত পে জিনা ছোড় কার ।”

সিঁড়ি ছাড়া যেমন ছাদে ওটা সম্ভব নয় , তেমন পীরের ওসিলা ছাড়া আল্লাহ পাওয়া সম্ভব নয় । আল্লাহপাক কোরআন পাকে ঘোষণা করেন - “ হে ঈমানদার গন, তোমরা আল্লাহপাককে ভয় করো এবং তাঁর-ই দিকে মাধ্যম তালাশ করো এবং তাঁর পথে জেহাদ করো এ আশায় যে সফলতা পেতে পারো ”। (সূরা মায়েরা ৩৫ নং আয়াত)

এই আয়াত দ্বারা বোঝা গেল, মুসলমানদের আমলের সাথে সাথে নবী ও ওলীগনের ওসীলাও তালাশ করা চাই । অনেকে বলেন যে, এই আয়াতে যে ওসীলার কথা বলা হয়েছে তার দ্বারা নামাজ রোজা ও নেক আমলগুলোকে বোঝানো হয়েছে । কিন্তু এটা সঠিক নয় । কারন উক্ত আয়াতের মধ্যে যে “ ইব্রাকুলাহ ” শব্দটি এসেছে, নামাজ রোজা নেক আমল এর মধ্যে এসে গেছে । তারপর আল্লাহপাক ওসীলাধরার নির্দেশ দিচ্ছেন । বোঝা গেল মুর্শিদ না ধরা পর্যন্ত ও আল্লাহর পথে মুজাহেদা না করা পর্যন্ত কেউ আল্লাহপাককে পেতে পারে না । অপর আয়াতে আল্লাহপাক ঘোষণা করেন - “ ইয়া আইউহা জিনা আমানুত তাকুল্লাহা অকুনু মায়াস সাদেকিন । অর্থাৎ হে ঈমান দারগন, তোমরা আল্লাহ কে ভয় করো এবং সত্যবাদীদের সংগী হয়ে যাও ”। মোফাসসেরিনগন একমত , এখানে সত্যবাদী বলতে আল্লাহপাক পীর ওলীদেরকে বুঝিয়েছেন । এই আয়াতের তফসিরে লেখা আছে , সত্যবাদীর মর্ম এখানে সুফী পীরগন হবেন । তাঁদের দরবারের খাদেম হতে হবে । তবেই পীরের শিক্ষা তাঁর বেলায়েতের শক্তির দ্বারা সেই ব্যক্তি উচ্চ মর্যাদা ও উন্নতিলাভ করবে । পীরের অনুগত না হলে হাজার সাধ্য সাধনা করে ও পরিত্রাণ পাওয়া যাবে না । পীরের খেদমতে মরার মত হয়ে যাও , যাতে তিনি তোমাকে যেমন ইচ্ছা তেমন ব্যবহার করতে পারেন , সেখানে তোমার নিজের ইচ্ছা বলে কিছুই থাকবে না । তিনি উঠতে বললে ওঠো বসতে বললে বসো । অতএব জরুরী হচ্ছে , কামেল পীরের সন্ধান করো তিনি তোমাকে আল্লাহর সাথে সম্পর্ক করিয়ে দেবেন । এক

হাদিসের বর্ণনায় এসেছে - প্রিয় নবী করীম সাল্লাল্লাহু আলাইহে অসাল্লামকে জিজ্ঞাসা করা হল যে ইয়া রাসুল্লাহ কোন ব্যক্তির সংগ করবো ? তখন দয়ার নবী বলেন - যাকে দেখলে আল্লাহর কথা মনে হয় আর আখেরাত কেমনে পড়ে এবং যার কথা শুনে জ্ঞান বৃদ্ধি হয় এমন ব্যক্তির সংগ করো। সুবহানাল্লাহ, প্রিয় নবীজির এই হাদিসটা নিয়ে পর্যালোচনা করুন আর বুঝে দেখুন। সত্যিই পীর মুর্শিদের কাছে বসলে আল্লাহর কথা মনে হয় আখেরাতকে মনে পড়ে এবং মুখের বাণী শুনে জ্ঞান বৃদ্ধি হয়, কত পাপী মানুষ হেদায়েত হয়। অতএব বে মুরিদ না থেকে অবশ্যই একজন কামেল মুর্শিদের কাছে বাইয়াত গ্রহন করুন। জগতের বুকে যত ওলী আউলিয়া ও বড় বড় ইসলামী পণ্ডিত সকলেই পীরের নিকটে গিয়েছেন। আমাদের ইমামে আজম হজরত আবু হানিফা রহমাতুল্লাহ আলাইহে পীর ছিলেন হজরত ইমামে জাফর সাদেক আলাইহির রহমা। মাদারজাদ ওলী গওসুল আজম বড় পীর আব্দুল কাদের জীলানী আলাইহির রহমার পীর ছিলেন হজরত আবু সাইদ মাখজুমি আলাইহির রহমা। হিন্দেল ওলী খাজা মঈনুদ্দিন চিশতী আলাইহির রহমার পীর ছিলেন হজরত খাজা উসমান হারনির আলাইহির রহমা। জগৎবরেণ্য আলেম মাওলানা জালালুদ্দিন রুমির পীর ছিলেন হজরত সামসুত তাবরেজ আলাইহির রহমা। এইজন্য হজরত শায়েখ সাদি সিরাজী রহমাতুল্লাহ আলাইহে বলেন -

দুগ্ধ বিনা ঘি কে কোথায় পেয়েছে ?

পীর বিনা আল্লাহ কে কোথায় পেয়েছে ?

পীর হওয়ার শর্ত

আহলে সুন্নত অল জামাতের উলামাগন পীর হওয়ার জন্য মোট ৪ টি শর্ত আরোপ করেছেন -

১) সুন্নী সহীহুল আকিদা হওয়া।

২) আলেম হওয়া বা এতটা ইলম থাকা যার দ্বারা সে জায়েজ নাজায়েজ হারাম হালাল ইত্যাদির পার্থক্য করতে পারে।

৩) ফাসিক না হওয়া।

৪) তাঁর সিলসিলা সহী হওয়া অর্থাৎ মাঝখানে কোনো বাতিলপন্থী শেজরায় না থাকা। যদি থাকে তাহলে সিলসিলা কেটে যাবে। তাহলে বোঝা গেল পীর হওয়ার জন্য প্রথম শর্ত হচ্ছে সুন্নী হওয়া। সুন্নী ছাড়া কেউ পীর হতে পারবে না।

শীয়া রাফেজী ওহাবী দেওবন্দী তবলীগী এরা কেউ পীর হতে পারবে না। এদের মধ্যে কেউ পীর হওয়ার দাবী করলে তাদের কাছে মুরিদ হওয়া হারাম। ভুলক্রমে কেউ মুরিদ হয়ে গেলে পুনরায় তওবা করে কোনো সুন্নী পীরের কাছে মুরিদ হতে হবে। নচেৎ মুক্তি নাই। খুব সাবধান, বর্তমান যুগে কিছু দেওবন্দী তবলীগী মৌলবী পীরত্বের দাবী করছে এবং মুরিদ করছে। এদের হাতে কেউ মুরিদ হবেন না। দেওবন্দীরা আসলেই পীরবিরোধী। কিন্তু যখন তারা দেখল যে এই ভারতবর্ষ বাংলাদেশ তথা উপমহাদেশের মানুষ পীরভক্ত ও পীর পছন্দ করে। তাই তারা নিজেদের মধ্যে কাউকে কাউকে পীর বলে জাহির করে দিল। উদ্দেশ্য হচ্ছে পীর মুরিদির মাধ্যমে ওহাবী বানানো ওতবলীগে বাহির করা। অতএব শতবার সাবধান। ২য় শর্ত হচ্ছে আলেম হওয়া। আলেম মানে জ্ঞানী। পীর হওয়ার জন্য মাদ্রাসায় পাশ করা ডিগ্রিধারী মৌলানা হতে হবে কোনো জরুরী নাই। পীরের সংগ করে শরীয়ত থেকে মারেফাত পর্যন্ত জ্ঞান লাভ করা যায়। হজরত ফরিউদ্দিন আত্তার রহমাতুল্লাহ আলাইহে তাঁর বিখ্যাত গ্রন্থ “তাজ কেরাতুল আউলিয়া পুস্তকে” এমন অনেক পীর ওলির জীবনী লিখেছেন, যাঁরা কোনো দিন মাদ্রাসায় শিক্ষালাভ করেননি। বরং পীরের সহচর্য্যে থেকে জাহেরী এলেম ও বাতেনী এলেম অর্জন করেছেন। ৩য় শর্ত ফাসেক না হওয়া - অর্থাৎ নবীর তরীকার বিপরিত না চলা। হজরত সেখ সাদী বলেন ‘খেলাকে পায়াম্বার কাসে রাহ গুজিদ কে, হারগিজ বা মানজিল না খওয়া হেদে রশিদ’ অর্থাৎ পয়গম্বরের দেখানো পথ ছাড়া অন্য পথে চললে তুমি কিছুতেই মনজিল মকসুদে পৌছাতে পারবে না। ৪র্থ শর্ত - সিলসিলা সহী হওয়া। অর্থাৎ পীরের শেজরা শরীফের মধ্যে কোন ওহাবী বা কোনো বাতিল পন্থীর নাম যেন না থাকে নতুবা সেখান থেকে সিলসিলা কেটে যাবে। আর উপর থেকে অর্থাৎ হজরত রসূলে পাক সাল্লাল্লাহু আলাইহে অসাল্লামের নিকট হতে আর ফাযেজ আসবে না। অতএব মুরিদ হওয়ার আগে পীরের মধ্যে উক্ত চারটি শর্ত আছে কিনা অবশ্যই দেখে নিবেন। নতুবা অমৃত কিনতে গিয়ে গরল কিনে বসে থাকবেন।

পীরের আদব

পীরের হাতে মুরিদ হওয়ার পর নিজেকে পীরের কাছে সঁপে দিতে হয়। পীরের ইচ্ছাকে নিজের ইচ্ছা বলে মেনে নিতে হয়। “বাইয়াত” মানে বিক্রি হওয়া।

পীরের নিকট নিজের জ্ঞানের বহর দেখানো চলবে না। পীরের দরবারে গিয়ে আদবের সংগে দাঁড়াবে। পীর বসতে বললে আদবের সাথে বসবে। হজরত মৌলানা জালানুদ্দিন রুমী রহমাতুল্লাহ আলাইহে বলেন, - আদবে আউলিয়া হয় আর বেআদবে শয়তান হয়। তাই পীরের দরবারে সর্বক্ষেত্রে আদবের দিকটা খেয়াল রাখতে হয়। নিজের পীরকে দুনিয়ার সমস্ত পীরের চাইতে শ্রেষ্ঠ মনে করতে হবে নতুবা সে ফায়েজ পাবে না। নিজের পীরের সামনে অন্য পীরের বেশী প্রশংসা করা তরীকত বিরোধী বলে বুজর্গনে দ্বীনরা লিখেছেন। সকল পীরওলী গওস কুতুবের প্রশংসা অবশ্যই করতে হবে। তবে নিজের পীরের সামনে অন্য পীরের বেশী প্রশংসা করলে নিজের পীরকে ছোট করা হয়। তাই বুজর্গনে দ্বীনরা নিষেধ করেছেন। পীরের দিকে গীঠ করে বা পা মেলে বসা চলবে না। রাস্তা চলার সময় পীরের আগে আগে যাবে না। পীরের ছায়ার প্রতি নজর রাখবে, সাবধান, পীরের ছায়ার উপর যেন পা না পড়ে। নিজে জ্ঞানী হয়েও অজ্ঞানী হয়ে পীরের নিকটে যাবে, নিজেকে ক্ষুদ্রতম মনে করবে। পীরের সংগে যে অঙ্গীকার করবে খবরদার সেই অঙ্গীকার ভঙ্গ করবেনা। অবশ্যই তা পূর্ণ করবে। খাজা নিজামুদ্দিন আউলিয়া রহমাতুল্লাহ আলাইহে বলেছেন ‘পীরের বাড়ী মুরিদের জন্যকাবা পীরের বাড়ী যাওয়া মানে মুরিদের হজ করতে যাওয়া।’ পীরের সামনে নফল নামাজ পড়বে না, নফল নামাজ পড়ার চাইতে পীরের চেহারা মুবারক দেখা বড় ইবাদত। পীরের চাল চলন রীতি নীতি কথাবার্তা বেশ ভূষা ইত্যাদির অনুসরণ করবে। পীরের কথায় কোনো সময় প্রতিবাদ করবে না, পীরের কোনো কাজ বা কোনো কথা যদি শরীয়তের বিরোধী বলে মনে হয়, তবুও তার কোনও প্রতিবাদ করবে না। বরং চুপ থাকবে বা অতি বিনয়ের সাথে তার কারণ জানতে চেষ্টা করবে। পীরের উপর কোনোরূপ সন্দেহ বা বিশ্বাসের কমতি হলে ঈমান নষ্ট হয়ে যাবে। সাবধান পীরের উপর কোনো প্রকার সন্দেহ আনবে না। তরীকতের মূল মন্ত্র হচ্ছে প্রেম বা মুহাব্বত। হৃদয়ের উজার করা প্রেম ভালোবাসা পীরকে নিবেদন করবে। পীরের বদনাম বা নিন্দা শোনাও পাপের কাজ। যদি কেউ পীরের নিন্দা মন্দা গায় তার সাথে বন্ধুত্ব করা হারাম। তার সাথে উঠা বসা খাওয়া দাওয়া এক বিছানায় শোওয়া সব-ই ত্যাগ করবে। পীর যে তরীকার অনুসরণ করে তুমিও তরীকায় অনুসরণ করবে। আমি অর্থাৎ বসির আলহাসান চিশতী নিজামী হচ্ছি চিশতীয়া

তরীকার মানুষ। আমি খাজাবাবা মুঈনুদ্দিন চিশতীর তরীকা অনুসরণ করে চলি। আমার ভক্ত মুরিদগন অবশ্যই চিশতীয়াকে তরীকার উপর কায়ম থাকবে এবং দিল ও জ্ঞান দিয়ে আমার পেয়ারা খাজা গরীব নাওয়াজ মহব্বত করবে। চিশতীয়ার দরুদ বেশী বেশী করে পড়বে।

খাজা গরীব নওয়াজের সংক্ষিপ্ত পরিচয়

ইতিহাস পর্যালোচনা করলে দেখা যায়, ইসলামের জন্য খাজা মুঈনুদ্দিন চিশতী রহমাতুল্লাহ আলাইহের আত্মত্যাগ ইতিহাসের সোনালী পাতায় তাঁকে চির স্মরণীয় করে রেখেছে। সত্যি কথা বলতে কি খাজা গরীব নওয়াজ এর জীবন কাহিনী বহু কীর্তি ও সাধনা সমৃদ্ধ ছিল। হিন্দেল ওলী আলম কুলশিরোমনি খাজা মুঈনুদ্দিন চিশতী দ্বীন ইসলামের আদর্শ প্রচার করতে গিয়ে বহু বাধা বিপত্তির সম্মুখীন হয়েও শেষ পর্যন্ত সফলতার চরম শিখরে পৌঁছেছিলেন। খাজা গরীব নওয়াজের জন্মসাল নিয়ে ইতিহাস বিদদের মধ্যে কিছুটা মত পার্থক্য রয়েছে।

“সিয়ারুল আকতাব” কিতাবের লেখকের মতে ৫৩৭ হিজরীতে ১৪ ই রজব সোমবার সুবহ সাদিকার সময় খাজা গরীব নওয়াজ এই ধরাধামে আগমন করেন। সিস্তানের “সানজার” নামক গ্রামে তিনি জন্মগ্রহণ করেন। এজন্য উনাকে সানজারী ও বলা বলা হয়। উনার পিতার নাম হজরত গিয়াসউদ্দিন হাসান ও মাতার নাম ছিল বিবি উম্মুল ওরা। বাচ্চা বয়স থেকেই আল্লা রসুলের প্রেম তার অন্তরে গাঁথা ছিল। শৈশবকাল থেকেই খাজা গরীব নওয়াজের মার্জিত গতিবিধি ও সুন্দর আচরন দেখে মানুষ বুঝে নিয়ে ছিল যে ভবিষ্যতে বালক বিরাট মাপের মানুষ হবেন। সাত বছর থেকেই তিনি নিয়মিত পাঁচ ওয়াক্ত নামাজ আদায় করতেন। শুধু তাই নয় নিয়মিত রোজা রাখতেন। এবং সুফি দরবেশের জিকিরের মজলিসে হাজির হতেন। যখনই কোনো ধর্মীয় অনুষ্ঠানের কথা শুনতেন, শত বাধা ঠেলেও সেখানে হাজির হতেন। মাত্র ৪ বছর বয়স থেকেই অসহায় এতিম মিসকিনদেরকে তিনি সাহায্য করতেন বা তাদের সাহায্যে এগিয়ে যেতেন। একদিন খাজা গরীব নওয়াজ বাচ্চা বয়সে নিজের পিতার সাথে ঈদের দিন ঈদগাহে নামাজ পড়তে যাচ্ছিলেন। যেতে যেতে রাস্তায় দেখলেন যে, একজন অন্ধ বালক ময়লা ও ছেঁড়া জামাকাপড় পরে ঈদগাহে যাচ্ছে। সেই বালকের এই অবস্থা দেখে পিতার সাথে আলোচনা না করেই নিজের শরীর থেকে সুন্দর পোশাকটি খুলে সেই অন্ধ বালককে পরিয়ে দিলেন। এবং

আল্লাহপাকের শুকরিয়া আদায় করলেন এবং নিঃস্ব অবস্থায় ঈদের নামাজ পড়ে বাড়ী ফিরলেন । এ ছিল খাজাবাবার মহানুভবতা ।

খাজা বাবার ছাত্র জীবন

খাজা গরীব নাওয়াজ মুঈনুদ্দিন চিশতী আলাইহির রহমা শিক্ষার প্রতি অত্যন্ত অনুরাগী ছিলেন । মাত্র ৮ বছর বয়সে পূর্ণ কোরআন শরীফের হাফেজ হয়েছিলেন । সময় লেগেছিল মাত্র ৯০ দিন অর্থাৎ ৩ মাস । তারপর কিশোর বয়সেই তফসীর হাদীস ফেকাহ উসুল, মানতেক ইত্যাদি বিষয়ের উপর পাণ্ডিত্য অর্জন করেন । খাজাবাবার বয়স যখন মাত্র ১৭ বৎসর । উনার আব্বার ইন্তেকাল হয় । পৈতৃকসূত্রে উনি একটি ফলের বাগান ও একটি যাঁতাকল পেয়েছিলেন । বাগানের পরিচর্যা উনি নিজে হাতে রাখতেন । সেই সময় খোরাসান হজরত ইবরাহিম কন্দুজী নামে একজন আল্লাহর ওলী বাস করতেন । তিনি আধ্যাত্মিক তত্ত্বে মহাপাণ্ডিত্য ছিলেন । পাশের দেশের লোক তার স্বরূপ বুঝতে পেরে যাবে এই আশঙ্কায় তিনি নিজেকে লুকিয়ে রাখতেন এবং অতি সাধারণে জীবন যাপন করতেন । একদিন হজরত ইবরাহিম কন্দোজী ভ্রমণ করতে করতে খাজাবাবার বাগানে এসে উপস্থিত হলেন । সেই সময় খাজা গরীব নাওয়াজ বাগানে কাজ করছিলেন । তিনি ওই দরবেশকে দেখে তাড়াতাড়ি ওনার কাছে এসে কদমবুসি করলেন । এবং ভক্তির সাথে তাকে বসতে আসন দিলেন । আর বাগান থেকে কয়েকটা ফল এনে দরবেশকে খেতে দিলেন । দরবেশ সাহেব ফলগুলো খেয়ে অত্যন্ত খুশী হলেন । এবং একদৃষ্টে খাজার দিকে কিছুক্ষণ তাকিয়ে থেকে নিজের ঝোলা থেকে একটি ফলবের করে খাজাবাবাকে খেতে আদেশ করলেন । খাজা মুঈনুদ্দিন বিনা দ্বিধায় ভক্তির সাথে ফলটা খেয়ে ফেললেন । তারপর হজরত ইবরাহিম কন্দুজী বিদায় নিলেন । দরবেশের দেওয়া ফলটা খাওয়ার পরেই খাজাবাবার মনে অপূর্ব ভাবের উদয় হল । সংসারের প্রতি তার একটা অভক্তি এসে গেল তিনি কেমন যেন উদাস হয়ে গেলেন । আহারে রুচি নাই চোখে ঘুম নাই কাজকর্মে কোনো আগ্রহ নাই । সর্বদাই বসে বসে কি চিন্তা করতে থাকেন । অবশেষে নিজের জীবন যাপনের একমাত্র সম্বল বাগানটি বিক্রি করে সে টাকা সম্পূর্ণ আল্লাহর রাস্তায় দান করে শুধু আল্লাহর নাম সম্বল করে রাস্তায় বেরিয়ে পড়লেন ।

খাজা বাবার দীক্ষা গ্রহন

হারুন শহরটি নিশাপুরের একটি ক্ষুদ্র শহর । এখানে হজরত উসমান হারুনী নামক একজন মহাসাধক বাস করতেন তিনি ছিলেন হজরত হাজী শরীফ জিন্দানীর মুরীদ এবং প্রদান খলিফা । শরীয়তের তাঁর যেমন গভীর জ্ঞান ছিল । মারফাতেও ছিলেন তেমন উচ্চস্তরের বুজুর্গ ও কামেলপীর । সেই সময় খাজা উসমান হারুনীর অসংখ্য অলৌকিক কারামতের কথা দেশের সর্বত্র ছড়িয়ে পড়েছিল । দেশ বিদেশ থেকে অগণিত মানুষ এসে তার কাছে মারফাত তত্ত্বে দীক্ষা গ্রহন করতে লাগলেন । খাজা মঈনুদ্দিন চিশতী খাজা উসমান হারুনীর সাথে দেখা সাক্ষাত করে কদম বসি করলেন । খাজা উসমান হারুনী তাঁকে পরিচয় জিজ্ঞাসা করলেন । হজরত খাজা মঈনুদ্দিন চিশতী সংক্ষেপে নিজের পরিচয় দিয়ে মুরীদ হওয়ার ইচ্ছা প্রকাশ করলেন । খাজা উসমান হারুনী খাজাবাবাকে দেখা মাত্রই বুঝতে পেরে ছিলেন , তিনি এতদিনে একজন যোগ্য মুরিদের সাক্ষাৎ পেয়েছেন । তাই তিনি অগ্রহের সাথে তাঁকে সেখানে থাকার অনুমতি দিলেন । ৫৬০ হিজরীর ১১ ইশওয়াল বুধবার জোহরের নামাজ শেষে তিনি খাজা উসমান হারুনীর কাছে মুরীদ হলেন । দীর্ঘ ২০ বৎসরকাল তিনি পীরের খিদমৎ করেছিলেন । পীর খাজা উসমান হারুনীর যেখানেই যেতেন খাজাবাবা তার বেডিং ও আসবাব পত্র মাথায় করে নিয়ে যেতেন । হজরত উসমান হারুনী খাজাবাবাকে সাথে করে নিয়ে হজক রতে গিয়েছিলেন । কথিত আছে । হজরত উসমান হারুনী অর্ধেক রাত্রিতে তাজ্জুদ নামাজ পড়ার পর খাজা মঈনুদ্দিকে সঙ্গে নিয়ে কাবালশরীফের গেলাফ ধরে কেঁদে কেঁদে আল্লাহর কাছে দোয়া করেছিলেন “ হে আল্লাহ তোমার হাবিব ঘোষণা করেছেন , কাবালশরীফের গেলাফ ধরে দোয়া করলে তুমি নাকি সেই দোওয়া ফেরৎ দাও না । মাবুদ গো আজ তোমার কাছে আমি ধন- মান - ঐশ্বর্য কিছুই চাই না শুধু মাত্র একটি আবেদন - আমার মুরিদ মঈনুদ্দিনকে তুমি ওলী বলে কবুল করে নাও “ তখন কাবার ভিতর থেকে আওয়াজ এসেছিল আমি মঈনুদ্দিন চিশতী কে ওলী বলে কবুল করে নিলাম । ” একসময় খাজা গরীব নওয়াজ কাবালশরীফ তওয়াফ করছিলেন এমন সময় আল্লাহ রব্বুল আলামিন ইলহামের দ্বারা খাজাবাবাকে সম্বোধন করে বললেন “ হে মঈনুদ্দিন আমি তোমার উপর সন্তুষ্ট হয়ে গেছি তুমি আমার কাছে যে প্রার্থনা করবে । আমি তাই কবুল করবো । (সুবনাল্লাহ)

খাজা বাবার মদিনায় গমন

হজ সমাপ্ত করে খাজা উসমান হারুনী খাজা মুঈনুদ্দিনকে নিয়ে মদিনা শরীফে এসে পৌঁছালেন। তিনি তার প্রিয় মুরিদ মুঈনুদ্দিন চিশতী কেসঙ্গে নিয়ে রসূলে পাক সাল্লাল্লাহু আলাইহে অসাল্লামের রওজা মুবারক জিয়ারত করতে গেলেন। যখনই খাজা গরীব নওয়াজ দয়ার নবীর রওজাপাকে গিয়ে সালাম দিলেন। পেয়ারা নবী তখন সালামের জবাব দিলেন। এবং দয়ার নবী খাজা বাবাকে হিন্দুস্তানের বেলায়েত দান করলেন এবং আদেশ করলেন “ যাও মুঈনুদ্দিন, তুমি হিন্দুস্তানে চলে যাও। তুমি সেখানে গিয়ে কাফের ও মুশরিকদেরকে হেদায়েত করো। খাজাবাবা এই আদেশ পেয়ে বড় খুশি হলেন। এবং রওজা মোবারকের সামনে চক্ষু বন্ধ করে ধ্যানস্থ হয়ে রইলেন। তখনই মদীনা শরীফ থেকে পাক-ভারতের আজমীর পর্যন্ত একটা বিরাট মানচিত্র দেখিয়ে দেওয়া হল। তারপর খাজা গরীব নওয়াজ আপন মুর্শিদের কাছে আদেশ নিয়ে ও কদম বুশি করে আজমীরের উদ্দেশ্যে রওনা হলেন। খাজাগরীব নওয়াজের তখন বেশ বয়স হয়েছে। যৌবনের স্বাভাবিক শক্তি ও উদ্যম তখন আর তাঁর শরীরে পূর্ণমাত্রায় বিদ্যমান নেই। কিন্তু তবু ও দুর্গম পথের চিন্তা বিদেশ ভ্রমণের দুঃখ কষ্ট ও বিপদের সম্ভাবনা কোনো কিছুতেই তাকে দমিয়ে রাখতে পারল না। আল্লাহপাকের উপর ভরসা করে তিনি রওয়ানা হলেন সুদূর হিন্দুস্তানের দিকে। তিনি মদিনা শরীফ থেকে রওনা হয়ে সর্বপ্রথম বলখে গমন করেন সেখানে এক বুজর্গ হজরত শায়েখ আহমাদ খিজরুরির খেদমতে কিছুদিন অতিবাহিত করেন। বলখে কিছুদিন অবস্থান করার পর তিনি পার্বত্য পথ ধরে আফগানিস্তানের ভিতর দিয়ে লাহোরে এসে পৌঁছান। সেখানে এক মহান আল্লাহর ওলী হজরত দাতা গঞ্জ বখশ আলী হাজবেরী রহমাতুল্লাহ আলাইহের মাজার শরীফে ৪০ দিন মুরাকেবা করেন। তারপর আজমীরে এসে পৌঁছান। আজমির ছিল চৌহান রাজ্যের রাজা পৃথ্বীরাজের অন্তর্গত। খাজা বাবার অবস্থান সে সহ্য করতে পারল না। যোগী জয়পালকে ডেকে নিয়ে এক-ই সঙ্গে বিরোধীতা করল কারণ মুসলমান ফকীরকে এখানে থাকতে দেওয়া হবে না। যোগী জয়পাল ছিল একজন বিখ্যাত যাদুকর। সে যাদুর যত প্রক্রিয়া সব প্রয়োগ করল। কিন্তু খাজা বাবার অলৌকিক শক্তির কাছে সব সময় পরাস্ত হল। অবশেষে যোগী জয়পাল নিজেকে খাজার কাছে সঁপে দিল। খাঁটি দিলে সে তওবা করে সে খাজাবাবার

কাছে মুরিদ হয়ে মুসলমান হল । খাজা গরীব নওয়াজ তার নাম রাখলেন আব্দুল্লাহ বায়াবানি । এ দিকে রাজা পৃথ্বিরাজ খাজাবার শত্রুতা করতেই লাগল । একদিন গরীব নওয়াজ নিজের বেলায়েতের হাত দুটো তুলে বললেন যে, হে পৃথ্বিরাজ, তোকে ধরে মুসলমান শাসকের হাতে তুলে দিলাম । আল্লাহপাকের কি মহিমা, তার কিছু দিন পরে সম্রাট শাহাবুদ্দিন মহম্মদ ঘোরী ভারত অক্রমণ করে যুদ্ধে জয়লাভ করল এবং পৃথ্বিরাজ তার হাতে বন্দী হল এবং তাকে হত্যা করা হল । সুলতান শাহাবুদ্দিন মহম্মদ ঘোরী খাজা গরীব নওয়াজ হাতে মুরিদ হয়েছিলেন তারপর খাজা মুঈনুদ্দিন চিশতী ব্যপক ভাবে ইসলাম প্রচার করতে লাগলেন শেষ পর্যন্ত তিনি ৯০ লক্ষ বেদীন কাফের কে মুসলমান বানিয়েছিলেন । (সুবহানাল্লাহ)

খাজাগরীব নওয়াজের এই বিশাল অবদান চির স্মরণীয় হয়ে থাকবে । ভারতবর্ষের মুসলমান কোনো দিন খাজা গরীব নওয়াজকে ভুলতে পারবে না, তবে যারা মুনাফেক তাদের কথা আলাদা ।

খাজা বাবার রওজা মুবারক

খাজাবাবার পবিত্র মাজার শরীফ আজমীর শরীফে বিদ্যমান । যা লক্ষ্য লক্ষ্য মানুষের জিয়ারত করার জায়গা । যেখানে যেখানে আল্লাহর ওলীদের মাজার শরীফ থাকে সেখানে সেখানে আল্লাহর খাস রহমত নাজিল হয় । বলা বাহুল্য গরীব নওয়াজের মত এত বড় আল্লাহর ওলীর মাজারে কেন রহমত নাজিল হবে না । তাই যুগে যুগে অসংখ্য মানুষ খাজার দরবার পাকে হাজির হয় আর শূন্য বুলি ভরে নিয়ে বাড়ী ফিরে যায় । খাজাগরীব নওয়াজের মাজার শরীফের চমক ও জলওয়া ও আশপাশের পরিবেশ দেখলে সত্যই নয়ন মন সব জুড়িয়ে যায় । হাজারো মানুষ খাজার মাজারে গিয়ে দুনিয়াকে ভুলে যায় । মুঘল সম্রাটরা প্রত্যেকেই খাজাগরীব নওয়াজের মাজার শরীফ জিয়ারত করতে আসতেন । ইতিহাসে প্রমাণ সম্রাট আকবর খালিপায়ে জুতা পরিধান না করে খাজার মাজারে এসেছেন । বাদশা আওরাঙ্গজেব প্রতিবারই -খালিপায়ে খাজাবাবার মাজারে আসতেন । একবার ভেবে দেখুন তাঁরা কত মাজার শরীফ কদর করতেন । খাজাবাবার মাজার চত্বরে যে দুটি বড় ডেক আছে সবচেয়ে বড় ডেকটি বাদশা আকবর দিয়েছিলেন যাতে ১২০ মন চাল রান্না করা যায় । আর ছোট ছোট ডেকটি সম্রাট জাহাঙ্গীর প্রদান করেছিলেন যাতে ৮০ মন চাল রান্না করা হয় ।

খাজা গরীব নওয়াজের দরবার রহমতের দরবার । তহি সকলে ভক্তি ভরে
খাজার মাজারে জিয়ারত করুন । জীবনে একবারও যদি সম্ভব হয় আজমীর
শরীফ চলুন ।

“ নেগাহে ওলী মে ওহ তাসির দেখি
বাদালতে হাজারৌকে তকদীর দেখি ,”

খাজা বাবার বৈবাহিক জীবন

খাজাবাবার বাল্যকাল খুব-ই কষ্টের মধ্যে অতিবাহিত হয়েছিল কিশোর কাল ও
যৌবনকাল বিদ্য শিক্ষা ও ফকিরীতে কাটিয়ে দিলেন । যখন তার বয়স ৫৯
(উনষাট) বছর হল, তিনি জোর কদমে ইসলামের প্রচার করতে লাগলেন । সেই
সময় তিনি একদিন স্বপ্নযোগে দেখলেন যে, নবী করিম সাল্লাল্লাহু আলাইহে
অসাল্লাম তাঁকে বলছেন - হে মুঈনুদ্দিন তুমি সারা জীবন আল্লাহের হুকুম
মোতাবেক কাটালে কিন্তু আমার একটি সুন্নত তুমি পালন করছ না । এই স্বপ্ন
দেখার পর হজরত খাজা গরীব নওয়াজ একে র পর একদুটি বিবাহ করে ছিলেন
। সেই সময় আজমীরে এক খোদা ভক্ত বুজর্গ ছিলেন যার নাম হজরত
আজিহুদ্দিন মুশহদী রহমাতুল্লাহ আলাইহে । তিনি একদিন স্বপ্নে দেখলেন যে
হজরত ইমাম জাফর সাদেক তাঁকে বলছেন, - “হে আজিহুদ্দিন, আল্লাহর নবীর
হুকুম হচ্ছে যে তোমার কন্যাকে খাজা মুঈনুদ্দিন চিশতীর সাথে বিয়ে দিয়ে দাও ।
কেননা তিনি অল্লাহর খাসওলী বান্দা । এই স্বপ্ন দেখার পর সৈয়দ ওজিহুদ্দিন
সাহেবের অনন্দের সীমা রইল না । তিনি তাড়াতাড়ি খজাবাবার খিদমতে গিয়ে
স্বপ্নের কথা ব্যক্ত করলেন । হজরত খাজা সাহেব বললেন যদিও আমার বয়স
অনেক হয়ে গেছে তথাপি রসুলুল্লাহর হুকুম পালন করার জন্য আমি আপনার
মেয়েকে বিয়ে করতে রাজি হচ্ছি । এই কতা শুনে আজিহুদ্দিন সাহেবের
অনন্দের সীমা রইল না । তখন তিনি নিজ কন্যার সাথে খাজা বাবার বিয়ে করিয়ে
দিলেন । খাজা বাবার এই স্ত্রীর নাম ছিল বিবি ইসমত । খাজা গরীব নওয়াজের
দ্বিতীয় বিয়ে হয় একজন রাজার মেয়ের সাথে । যিনি স্বেচ্ছায় ইসলাম কবুল
করেছিলেন । যার ইসলামী নাম ছিল বিবি আমাতুল্লাহ । খাজা গরীব নওয়াজের
দুই স্ত্রীর গর্ভ হতে তিনটি পুত্র সন্তান ও একটি কন্যা সন্তান জন্মগ্রহণ করেন ।

- ১) হজরত খাজা ফখরুদ্দিন রহমাতুল্লাহ আলাইহে ।
- ২) হজরত খাজা জিয়াউদ্দিন আবু সাইদ রহমাতুল্লাহ আলাইহে ।
- ৩) হজরত খাজা হিশামুদ্দিন রহমাতুল্লাহ আলাইহে
- ৪) হজরত বিবি হাফিজা জামাল রহমাতুল্লাহ আলাইহে ।

খাজা গরীব নওয়াজের কিছু অমূল্য বাণী

- ১) চুপ থাকা ও চিন্তা করা আরেপ দেব একটি চিহ্ন ।
- ২) আল্লাহপাক কোনো ইবাদতের জন্য এত জোর দেন নি । যত জোর নামাজের জন্য দিয়েছেন ।
- ৩) নামাজ একটি ওয়াদা । যদি এই ওয়াদা পূর্ণ করা হয় তবেই উদ্ধার পাওয়া যাবে । নতুবা লজ্জায় আল্লাহ পাকের কাছে মুখ দেখানো যাবে না ।
- ৪) যত মনকে স্থির করে ভালোভাবে কাছে নম্রতার সাথে নামাজ পড়বে ততই আল্লাহর নৈকট্য লাভ করবে ।
- ৫) কবর স্থান একটি উপদেশ গ্রহণ করার জায়গা । সেখানে হাসি ঠাট্টা করা বা খাওয়া দাওয়া করা মোটেই উচিত নয় ।
- ৬) যারা আল্লাহর ইবাদত করে না তারা হারাম রুজী খায় ।
- ৭) পিতা মাতার মুখ দেখা ছেলের জন্য ইবাদত । যে ছেলে পিতা মাতার কদম বুসি করে তার গুনাহ মাফ হয়ে যায় ।
- ৮) পীরের খিদমত করলে উত্তম জিনিষ পাওয়া যায় । অতএব মুরিদের কর্তব্য হচ্ছে পীরের আদেশ মেনে চলা এবং পীরের খেদমত করা ।
- ৯) তিনটি জিনিষে ঈমান পূর্ণ হয় । প্রথম আল্লাহর ভয় । দ্বিতীয় আল্লাহর প্রতি আশা । তৃতীয় আল্লাহ ও রসুলের মহব্বত ।
- ১০) মৃত্যুর পূর্বে নেকি অর্জন করো আর মৃত্যুকে মাথার উপর মনে করো ।
- ১১) সুরা ফাতেহা অর্থাৎ “আলহামদু” সুরা বেশী করে পড়ো মনের ইচ্ছা পূরণ হওয়ার এটা একমাত্র তদবীর ।।
- ১২) আলেমদের দেখা ও দরবেশ ফকিরদের কে মহব্বত করা বরকত হাসিল হওয়ার কারণ ।
- ১৩) যারা মিথ্যা কথায় কসম খায় তাদের ঘরের বরকত চলে যায় এবং বরবাদী চলে আসে ।

১৪) যিনি মারেফাতের অধিকারী তিনি সূর্যের মত জ্যোতির্ময় তিনি সারা দুনিয়াতে আলো দিতে পারেন।

১৫) যে ব্যক্তি অজুর সাথে ঘুমায়। তার রুহ আরশের নীচে ঘুরতে থাকে।

১৬) আশেকের অন্তর মহব্বতের আগুনে পোড়া থাকে এবং যা কিছু তার ভিতর আসে তাও পুড়ে ছাই হয়ে যায়।

১৭) যত বেশী মারেফত অর্জন করবে তত বেশী আশ্চর্য হতে থাকবে।

১৮) দরবেশ ফকিরদের জন্য সবচেয়ে বড় নিয়ামত, দরবেশ ফকিরদের সংগ করা আর দরবেশ ফকিরদের থেকে দূরে থাকা ক্ষতির কারণ।

১৯) বদনসীব তারা, যারা গুনাহ করে অথচ আল্লাহর প্রিয় বান্দা মনে করে।

২০) প্রত্যেক জামানাতে এমন শত শত আল্লাহর ওলী থাকেন যাদেরকে কেউ চিনতে পারে না। আর তারা চিন্তা করতে করতে দেহত্যাগ করেন।

২১) নদী নালা পুকুরের পানিতে শব্দ হয় কিন্তু তা যখন সমুদ্রের পানিতে মিশে যায় আর শব্দ হয় না। ঐ রূপ যারা আল্লাহকে চিনে ফেলে তারা বেশী বকবক করেনা।

২২) যারা কিয়ামতের দিন আল্লাহর আজাব থেকে বাঁচতে চায়, তাদের উচিত, দুঃখ কষ্টকারীদের দুঃখ কষ্ট দূর করা ও ক্ষুভার্ত ব্যক্তিদেরকে পেট ভরে খাওয়ানো।

২৩) পাঁচটি জিনিসকে দেখা ইবাদত

১) নিজের পিতা মাতাকে দেখা

২) কোরআন শরীফকে দেখা

৩) কাবা শরীফকে দেখা

৪) হাক্কানী আলেম কে দেখা

৫) পীর মুর্শিদকে দেখা।

২৪) যার মধ্যে তিনটি গুণ আছে আল্লাহ তাকে বন্ধু মনে করেন -

১) সূর্যের মত দয়ালু হওয়া

২) মাটির মত থৈথৈশীল হওয়া

৩) সমুদ্রের মত দান করা

২৫) ইচ্ছা পূরণ হওয়ার জন্য সুরা ফাতেহা শরীফ খুব-ই ফল দায়ক

২৬) সমস্ত দুনিয়া ও দুনিয়ার সমস্ত বস্তু দুই আঙুলের মধ্যে দেখা ইরফানের একটি দর্জা।

২৭) দান করা মালদার হওয়ার চাবী।

২৮) মহব্বতের ৪ টি দর্জা

১) সদাসর্বদা আল্লাহর জিকির করা

২) আল্লাহর জিকিরে আনন্দ পাওয়া

৩) সেই সমস্ত জিকির করা যাতে দুনিয়ার মহব্বত না থাকে।

৪) আল্লাহর ভয়ে বেশি বেশি করে কাঁদা

পীরের কদম বুসী

পীর মুর্শিদের কদম বুসী করা বা পদচুম্বন করা অবশ্যই জায়েজ। হাদীস শরীফ ও ফেকাহের কেতাবে এর প্রচুর দলীল বিদ্যমান। শুধু তাই নয়, বুজর্গানে দ্বীন ও পীর মুর্শিদের ব্যবহৃত জিনিস ও পোশাক পাগড়ী ইত্যাদিকে সম্মান করা ও চুমা দেওয়া হচ্ছে মুস্তাহাব। মিশকাত শরীফ হাদিসের বাবুল মুসাফা অধ্যায়ে লেখা আছে - হজরত জেরা বর্ণনা করেন যখন আমরা মদিনায় এলাম তখন আমরা সওয়ারী থেকে নামার জন্য তাড়াতাড়ি করছিলাম এবং আমরা রসূলে পাক সাল্লাল্লাহু আলাইহে অসাল্লামের হাত মুবারক ও কদম মুবারককে চুম্বন দিলাম। শেফা শরীফ একবিখ্যাত গ্রন্থ "উক্ত গ্রন্থে লেখা আছে যে হজরত আব্দুল্লা ইবনে উমর রাদিয়াল্লাহু আনহু ঐ মিস্বর শরীফে চুমা দিতেন যে মিস্বর শরীফে আল্লাহর নবী খুতবা দিতেন। ইমাম আহমেদ ইবনে হাম্বলকে প্রশ্ন করা হল যে, নবী পাক আলাইহিস সালাতু অসসালামের মিস্বর শরীফ ও রওজা মুবারককে চুম্বন দেওয়া কি? উনি বললেন মুস্তাহাব। বিখ্যাত মুফাসের হজরত ইমাম জালালুদ্দিন সুয়তি আলাইহির রহমা তার তাওসিহ শরীফে লিখেছেন - হাজারে আসওয়াদ কে চুমা দেওয়ার কারণে অনেক আরেফেবিপ্লাহরা ওলী আউলিয়া দের কবর শরীফকে চুমা দেওয়া জায়েজ বলেছেন। হাদিস শরীফের মধ্যে আছে - রসূলে পাক বলেন - যে ব্যক্তি আমার কদমে চুমা দিল সে যেন জান্নাতের চৌকাঠে চুমা দিল। আল্লামা গেসু দারাজ বান্দা নওয়াজ আল্লাইহির রহমা ছিলেন বাবা নাসিরুদ্দিন চেরাগে দেহলী মুরিদ ও খলীফা। একবার বাবা নাসিরুদ্দিন চেরাগে দেহলী ঘোড়ার পীঠে সওয়ার হয়ে আসছিলেন। মুর্শিদকে দেখতে পেয়ে বাবা বান্দা নওয়াজ দৌড়ে গেলেন এবং মুর্শিদের জানু অর্থাৎ উরুতে চুমা দিলেন। মুর্শিদ

তখন বললেন- আরও নীচে । তখন বান্দা নওয়াজ পীরের পায়ের বৃদ্ধাঙ্গুলে চুমা দিলেন । মুরশিদ বললেন আরও নীচে । তখন বান্দা নওয়াজ পীড় যে ঘোড়ার চড়ে ছিলেন সেই ঘোড়ার পায়ের ক্ষুরে চুমা দিলেন । তখন বাবা নাসিরুদ্দিন চেরাগে দেহলী দুই হাত দিয়ে হজরত গেসু দরাজ বান্দা নওয়াজ তুমি মোট ৪ টি চুম্বন দিলে । বলো ৪ চুম্বনে কি পেলো ? তখন বান্দা নওয়াজ উত্তর দিলেন যে, হুজুর আমি প্রথমে চুম্বন দিয়ে নাসুত মঞ্জিল অতিক্রম করেছি । দ্বিতীয় চুম্বনে মলকুত মনজিল পার হয়েছি । তৃতীয় চুম্বনে জবরুত মনজিল পার হয়েছি । আর চতুর্থ চুম্বনে আমি লাহুত মনজিল অতিক্রম করে গেছি । সুবহানাল্লাহ । কেমন পীর আর কেমন মুরিদ । অথএব পীরের কদুম বুসি কারা বা পিতা মাতার কদুম বুসি কারা শরীয়তে কোথাও নিষেধ নাই । কিছু মূর্খ লোক বলে থাকে যে, আল্লাহ ছাড়া কারও কাছে মাথা নত করা যাবে না । । এটা ভুয়া বাজে কথা । কারণ মাথা হেঁট হওয়ার নামই সেজদা নয়, কদম বুসি হওয়ার করার জন্য মাথা হেঁট হলে কোনো অসুবিধা নেই । পায়ে হাত দিয়ে সেই হাতকে চুমা দেওয়াকে কদম বুসী বলে না বরং ঠোঁট দিয়ে কদমে চুম্বন করাকেই কদম বুসী বা পদচুম্বন বলে । আর এটাকে সেজদা বলে না । সেজদা করার জন্য কয়েকটি শর্ত আছে যেমন - কাবা শরীফের দিক হওয়া সেজদার তসবীহ পড়া, অজু অবস্থায় থাকা, সর্বোপড়ি সেজদার নিয়েত হওয়া ইত্যাদি । যাইহোক খাজাবাবা মঈনুদ্দিন চিশতী বাবা কুতুবউদ্দিন বখতিয়ার কাকী বাবা ফরিদউদ্দিন চিশতী ও মেহবুবে এলাহি খাজা হজরত নিজামুদ্দিন আউলিয়া আলাইহিমুর রহমাতু অর রিদওয়ান সকলের -ইমহান দরবারে কদম বুসির রীতি চালু ছিল ।

ফাতেহার বিবরণ

কোনো কিছু হালাল খাদ্যবস্তু ক্ষীর মালিদা বা কোনো মিষ্টদ্রব্য বা ফল মূল বা পোলাও জর্দা বা বিরিয়ানী ইত্যাদি সামনে রেখে কিছু কোরআন তেলাওয়াত ও দোয়া দরুদ পড়ে দোয়া করে সওয়াব রেশানী করাকে ফাতেহা বলে । মূলতঃ সুরা ফাতেহা শরীফ পড়া হয় বলেই -এ কে ফাতেহা বলা হয় ।

ফাতেহা করা হাদীস শরীফ থেকে সাব্যস্ত আছে । সামনে খানা রেখে কিছু কোরআন তেলোয়াত করা যদি নিষেদ হত । তাহলে তো খানা সামনে রেখে বিসমিল্লাহির রহমানির রহিম ও পড়া যাবে না কেন না বিসমিল্লাহ শরীফ ও কোরানের আয়াত, মিশকাত শরীফ হাদীস বাবুল ম্যেজজাত অধ্যায়ে লেখা

আছে - হজরত আবু হুরায়রা বর্ণনা করেন যে কিছু খরমা নবীজির সামনে আনা হল এবং দোয়া করতে বলা হল । তখন আল্লাহর রসুল বরকতের জন্য দোয়া করে দিলেন । মিশকাত শরীফ হাদিসের উক্ত অধ্যায়েই আছে । তবুকের যুদ্ধের সময় মুসলমান সৈন্যদের মধ্যে খাদ্যের কমি হয়ে গেল । তখন নবীজি হুকুম করলেন - যার কাছে যা খানা আছে আমার কাছে নিয়ে আসুন । প্রত্যেককেই কিছু না কিছু খানা নবীজির সামনে আনলেন সেই সব খাদ্য দ্রব্য আল্লাহর নবী সামনে রেখে দোয়া করলেন বোঝা গেল খাদ্যদ্রব্য সামনে রেখে দোয়া করা নবীজির সুনত । ভারতবর্ষের বিখ্যাত মুহাদ্দিস ও বুজর্গ হজরত ওলী ওল্লাহ মাহাদেস দেহলবী আলাইহির রহমা তাঁর হুমআ কিতাবে লিখেছেন - আমার আব্বাহজুর হজরত আব্দুর রহিম মুহাদ্দেস দেহলবী প্রতিবছর রবিউল আওয়ালের চাঁদে রসুলুল্লাহ নামে মিলাদ ও ফাতেহা করতেন এবং এলাকার মানুষকে দাওয়াত করে খাওয়াতেন । একবছর টাকা পয়সার খুব অভাব হওয়ার জন্য বড় করে মিলাদ ফাতেহা করতে পারলেন না । তাই অল্প কিছু পয়সা দিয়ে কিছু ছোলা কিনে এনে সেই ছোলাকে ভেজে নবীর নামে ফাতেহা করলেন । এবং উপস্থিত মানুষের মধ্যে বিতরণ করে দিলেন । দুঃখিত মন নিয়ে হজরত আব্দুর রহিম মুহাদ্দেস দেহলবী রাতের বেলায় শুয়ে ঘুমিয়ে গেছেন, আর স্বপ্নে দেখছেন যে আল্লাহর রসুল সালামু আলাইহে অসাল্লাম দরবার করে বসে আছেন । তাঁর সামনে অনেক সাহাবা ও আউলিয়াগন হাজির আছেন । এবং বেশ কিছু খানচায় নানান খাদ্যদ্রব্য নবীজির সামনে বসানো আছে । হজরত আব্দুর রহিম মুহাদ্দেস দেহলবী বলেন যে আমি উকি মেরে দেখলাম আমি যে প্লেটে ছোলাভাজা রেখে ফাতেহা করেছিলাম ঠিক প্লেটটি নবীজি সামনে রেখেছে । তখন আল্লাহর রসুল বলে যে, - হে আব্দুর রহিম তুমি দুঃখ করছ কেন ? প্রতি বছর বড় করে ফাতেহা নাই বা করতে পারলে, তুমি যে টুকু দিয়ে ভক্তির নাজরানা আমার দরবারে পেশ করছ এই দ্যাখো সেটা আমার কাছে পৌঁছে গেছে । সুবহানাল্লাহ ।

ফাতেহা করার পদ্ধতি

প্রথমে সবাই অজু করে বসবে তারপর খাদ্যদ্রব্য মিষ্টান্ন অথবা পায়ের বা জর্দা ইত্যাদি সামনে রেখে প্রথমে তিনবার বিসমিল্লাহ সহ সুরা ফাতেহা ও কুলইয়া আইউহাল কাফেরুন সুরাটি ১ বার সুরা এখলাস অর্থাৎ কুলহুআল্লাহ ১৩ বার কুল আউছু বিরবিবল ফালাক ১ বার, সুরা নাস ১ বার । লা হাওলা অলা কুয়াতা ইল্লা বিল্লাহিল আলিঈল আজিম ৪১ বার, “ সুবহানাল্লাহ ” ৩৩ বার । আলহামদুলিল্লাহ ৩৩ বার । আল্লাহুআকবর ” ৩৪ বার । দরুদে চিশতীয়া বা যে কোনো দরুদ শরীফ ১১ বার পড়ে দোয়া করতে হবে । এই গুলো পড়ার পূর্বে নবীজির সম্মানে দাঁড়িয়ে কিয়াম সালাম পড়বে ও চিশতীয়ার শেজরা শরীফে অবশ্যই পাঠ করবে ।

সালাম কিয়াম করার জন্য কয়েকটি ছন্দ

ইয়া নবী সালামু আলাহিকা
ইয়া রাসুল সালামু আলাহিকা
ইয়া হাবিব সালামু আলাহিকা
সালাওয়াতুল্লাহি আলাহিকা ॥

১) আউয়ালে আখেরে তুমি
জাহেরে বাতেন তুমি
হাদিস ও কোরআনে তুমি
আশেকের স্মরণে তুমি ॥ ইয়ানবী.....

২) মরনের কালে আসিও
নুরাহী চেহারা দেখাই ও
একবার কলেমা পড়াই ও
আমাদের উন্মত বলি ও ॥ ইয়ানবী.....

৩) তুমি যে আল্লাহর পিয়ারা
আমেনা মায়ের দুলারা
পাপীদের তুমি সাহারা
উন্মতের তুমিই কিনারা ॥ ইয়ানবী.....


৪) নবী গো সালাম আপনাকে
শেরে খোদা আলী ও ফাতেমাকে
হাসান - হোসেন ও গওসুল অরা কে
হিন্দেলওলী খাজাপিয়ারাকে ॥ ইয়ানবী.....

কয়েকটি মুনাজাত ও ওজিফা

- ১। রব্বানা জলামনা আনফুসানা আইল্লাম তাগফির লানা
অ তারহামনা লানাকুনান্না মিনাল খাসেরিন ।
- ২। রব্বানা তাকব্বাল মিন্না ইন্নাকা আনতাস সামিউল আলিম ।
অতুব আলাইনা ইন্নাকা আনতাত তাউয়াবুর রাহিম ।
- ৩। আল্লাহুম্মা আন্তাস সালাম অমিনকাস সালাম ।
অ হাইয়েনা রব্বানা বিস্ সালাম অদখিলনা দারাস সালাম ।
তাবারকতা রব্বানা অ তাআলাইতা ইয়া জাল জালালি অলইকরাম ।

ওজিফা

- ১। সুবহানাল্লাহি অব্বেহামদেহী সুবহানাল্লাহিল আজিম ।
রোজ - ১০০ বার
- ২। লা হাওলা অলা কুউওয়াতা ইল্লা বিল্লাহিল আলিয়েল আজিম ।
প্রত্যেকদিন ১০০ বার
- ৩। লা ইলাহা ইল্লাল্লাহুল মালিকুল হাক্কুল মুবিন ।
প্রত্যেকদিন ১০০ বার
- ৪। সাল্লাল্লাহু আলা নাবিইল উম্মিঈ অ আলা আলেহি অ সাল্লাম ।
প্রত্যেকদিন ১০০ বার
- ৫। আসসালাতু অসসালাতু আলাইকা ইয়া রাসূলাল্লাহ ।
প্রত্যেকদিন ১০০ বার
- ৬। ইয়া হাইউ ইয়া কাইউমু লা ইলাহা ইল্লা আনতা
সুবহানাকা ইম্মি কুনতু মিনাজ জালেমিন ।
প্রত্যেকদিন ৪১ বার



৭৮৬/৯২/১১০

সুন্নীপার্বচয়

—লেখক—

পীরে তরীকত আলহাজ মোলানা
বসির আলহাসান চিশতী নিজামী
চিশতীয়া নিজামীয়া দরবার শরীফ

গ্রাম : ডুমুরপুর * পোস্ট : সাটিথান
জেলা : হুগলী

Mob : 9933310468/9434620570